

O Aso Paia:

O FUAFUAGA MATAUTIA A LE ATUA



O Aso Paia:

O FUAFUAGA MATAUTIA A LE ATUA

tusia e Roderick C. Meredith

O a aso e sili ona taua i le kalena a tagata Kerisiano? Toatele tagata e fai mai o le Kerisimasi ma le Eseta. Ae peitai o tagata muamua sa mulimuli ia Iesu Keriso sa latou suesue matauina e le taua aso na. Sa latou mulimuli i ana faataitaiga ma latou **tausia** Aso Paia sa tausi e Iesu Keriso!

O Aso Paia ole ata moni lea ole faasologa, ma le taunuuga na fuafuaina e le Atua mo tagata uma. Ole Atua lava la na fa'au'uina aso paia mo ona tagata uma ia latou tausia.

Fa'asino Tusi

Itulau

- 3 Folasaga: Aso malolo faapaupau vs Aso paia a le Atua**
- 13 Vaega 1: Ole Paseka**
- 17 Vaega 2: Tausamiga o Areto e le Faafefeteina**
- 20 Vaega 3: Penetekoso**
- 26 Vaega 4: Tausamiga ole Iligapu**
- 30 Vaega 5: Aso ole Togiola**
- 34 Vaega 6: Tausamiga o Fale Apitaga**
- 38 Vaega 7: Ole Toe Aso o le Aso Tele**
- 43 Faaiuga: Fuafuaaga ale Atua o loo mulimuli**

HD Lolomiina 2.5 April 2015

©2017 LIVING CHURCH OF GOD

E le faataga ona kopiina.Lolomina i totonu o Amerika,

E le faatauina lenei tusi!

Ua saunia e avea o se tautua e tufafuaina mo aoaoga mo tagata lautele. O se auaunaga a le Ekalesia a le Living Church of God.

O mau o lenei tusi o lo'o si'i mai ile New King James Version
(© Thomas Nelson, Inc., Publishers) seia vagana ua fa'aali mai i se isi tusiga e ese ai.

Cover: ©2010 Tomorrow's World Image

Folasaga:

Aso Malolo Faapaupau vs. Aso Paia a le Atua

Aiseā ua to'atele ai tagata Kerisiano latou te tausia le Kerisimasi, Eseta ma le Halloween, ae le tausisi i aso tonu o lo'o manino ona faatonuina e le Afiogā Paia a le Atua? E iai se ese'esega telē, o aso o lo'o tatou tausia? E fa'amata e a'afia ai lo tatou faamoemoe mo le ola e fa'avavau? Ae'maise e iai se āfaina o lo tatou talitonuga i le Atua soifua o lo'o tatou tapua'i ai, ae o le ā se faamoemoega tele mo ana fuafuaga sili mo lenei lalolagi?

O le mea e fa'anoanoa ai, o le to'atele o tatou sa tutupu a'e i totonu o lotu Porotesano, po'o lotu Katoliko ma faata'uaina mea sa aoaoina e faatatau i le Atua, Mesia ma Ekalesia. E toaititi lava tagata e ano tusa pe ua matutua e suesue ma taumafai e faamaonia, pe aisea ua latou talitonu ai i mea ua latou talitonu i ai. E foliga mai e faigofie atu le mulimuli i faapotopotoga ma o atu faatasi ai lava tusa poo a mea o loo aoaoina ai.

Sa e manatu faapea muamua?

Sa e faatalalē ma manatu o aoa'oga a le Tusi Paia e tatau ona tatou tausia ma faamanatu le Kerisimasi ma le Eseta? Na e manatu o Keriso, lo tatou faataita'iga, ma le uluai Ekalesia muamua o le uluai senituri na latou faamanatuina le Kerisimasi ma le Eseta?

Afai o lea, pe ua le sili atu ea lou **sesē!**

E toetoe lava o tagata a'oa'oina uma i le Tusi Paia ma i latou o tusitala faasolopito latou te faamaonia ma ioeina, ole Kerisimasi ma le Eseta na faaofi atu i totonu o le faakerisiano i le tele o tausaga mulimuli ane talu ona maliliu le au Aposetolo muamua! I lalo o tusitusiga! O le "Kerisimasi" i le encyclopedia britannica o lo'o taua mai ai o le tala'aga o lenei tausamiga e iai lona feso'ota'ina vavalalata tele ma le tala o le Epiphany (q.v)po o mea o

loo mulimuli mai e tatau ona faitauina e feso'otai ma le tusitusiga i lalo o le ulutala. O lea lotu sili na muamua latou taliaina le Kerisimasi i se taimi mulimuli ane nai lo Ephiphany: ae lei oo atu i le senituri lona lima, e le'i iai se finagalo autasi e uiga i le aso e tatau ona tusia i le Kalena, a le o le aso 6 lanuari, po'o le 25 o Mati, po o Tesema aso 25 foi.... I totonu ole tausaga 1644 na fa'asa e le au Peretania Puritana so'o se fa'afiafiaga po'o ni sauniga lotu e ala i tulafono faa Palemene, i luga o le mafuaga o tausamiga a tagata faapaupau ma faatonuina ia tausia e pei o se anapogi. O Salesa II na ia toe faaolaola le tausamiga, ae na tausisi lava le au Sikotilani i le vaaiga a le Puritana." (vol.6 11 the ed. Pg 293-294).

Ua tau mai e le Encyclopedia a le Katoliko ia i tatou: "O le Kerisimasi e le ose tausamiga na amata mai ai le Ekalesia. Na aveeseina mai e Inenaesus ma Tertullian mai le lisi o a latou tausamiga. O Origen o loo taulai atu le latou vaai i taupulega a Natalitia (in Lev. Hom.VIII in Migne, P.a, XII 495). I tusitusiga Paia, o tagata agasala, e le o le au paia, e faamanatuina o latou aso fanau. i totonu o tulafono a Egelani i le 1644 sa faasaina ona faamanatu le Kerisimasi, o le aso lea e tatau ona o ai e fai faatau, ma fai ai maketi, ma faamalosi ai le tatala o faleoloa, palu ai puligi ma fai ai mince pai, a le usitaia o le a faasalaina e pei ni tagata faapaupau. Na tetee i latou na faasaoina e Canterbury i lo latou faamaligi toto, ae ina ua maea le Toefuatai'ga na toe fa'aauau ona vala'au ia Yeletide 'fooltide' (vol. 3. Pg. 724, 728).

TEENA le Faataitai'ga a Keriso ma le au Aposetolo

O le mea taua e manatua ia taumafai ia malamalama ile mea ua tupu, o le to'atele o kerisiano, faifeau ma sikola e lei taumafai malosi ina ia mulimuli i aoao'oga ma faata'ita'iga lelei a Keriso ma ulua'i Aposetolo! Ao tuputupu ae le ekalesia Kerisiano i totonu o le Emepera o Roma, na latou taumafai e fai le latou lotu ia sili atu ona "talafeagai" i tagata faapaupau o lo'o latou siomia i se auale e manumalo mai ai i latou ia latou lotu, i se taumafaiga e alo ese mai sauaga. E pei on ta'ua e Dr Rufus M.Jones: "Pe ana fai e iai se avanoa na avea ai Keriso lava ia e ona soo e fai ma faata'itaiga o ata o metotia fou ma faamautuina ai lona soifua, ma a'oa'oga ma avea ma tulaga e masani ai le Ekalesia Kerisiano semanu o se mea uiga ese e o'o iai mai le mea e tatau ona iai. O le a'oa'oga sese' semanu tatou te sese ai, e pei ona le i ai nei, o le se ese mai l ona ala, o ana a'oa'oga, o lona agaga ma lona Malo. O le Kerisiano fa'a le Kalilaia na iai i se taimi pu'upu'u, e ui lava na i ai

ni taumafaiga iloga e toe faaolaola mai ai, ae o perofeta fa'aleagaga mai iinei ma iina na faamalosia ai e sese lenei tapuaiga fa'ale Kalilaia o se a'oa'oga sese,ae o le uiga autu o le faalauteleaga o atina'e ma uia isi auala ma ua matua ta'ua lava le fa'amamafaina (*The Church's Debt to Heretics*, pg 15-16).

Na iai se tusitala lauiloa Porotesano, e igoa ia Jesse Lyman Hurlbut - na ia tusia se tusi e uiga i le vaitaimi o le 313 AD ma le 476 AD - na ia tautino mai ai o nisi o tausamiga faapaupau tuai na avea ma tausamiga ma latou suia igoa ma le faiga o tapuaiga. O ata o le au paia ma maturo o le 405AD na amata ona aliali mai i totonu o falesa, i le taimi muamua o ni faamanatuga, ona faasolosolo ai lea ona fa'aaloalo, ma tapua'i i ai" (*The Story of the Christian Church*, P.79).

E ui lava la, o ulua'i ta'ita'i 'Kerisiano' na talia lelei e tagata faapaupau na siomia ai i latou,ae sa musuia e le Atua o latou tua'a fa'aleagaga e aua ne'i mulimuli i tu ma aga a malo faapaupau o lo'o fa'apea mai. "...aua foi ne'i e saili atu i o latou atua, o loo faapea ane, Pe faapefea ona auauna nuu nei i o latou atua? ou te faia faapea lava e a'u. Aua lava ne'i e faia faapea ia leova lou Atua; auā o mea uma e inosia e leova, o loo inosia lava e ia, ua latou faia i o latou atua;" (Teuteronomie 12:30-31)

Ua fetalai ma lapatai atu fo'i lesu Keriso i ta'ita'i i ia ona po. "Ua fetalai atu foi o ia ia te i latou, Ua lelei lo outou faaleaogaina o le poloaiga a le Atua, ina ia outou taofi i a outou uputuu." (Mareko 7:9) Maitau ma le toto'a le fetalaiga a lesu e uiga i le te'ena o le poloa'iga a le Atua e ala i le tausia o tu ma aga a tagata.O lea e matua'i faamausāliina ai lava, pe a tatou manatunatu po'o a aso na fa'apa'iaina e le Atua,semanu e leai lava ni tagata e tausaiaina aso na faalauiloa mai e tagata faapaupau, ma faapea fo'i ona faamanatuina ma tausia Aso Paia na faamanuia ma poloa'i mai ai le Atua, - ma na faamanatuina foi ma tausia e Keriso ma le au Aposetolo o le Ekalesia o le uluai Senituri.

E tatau ona e filifili.

E tatau ona e filifili i lou maitauina o galuega ofoofogia mamana a Keriso - o ata vaaia ia o Keriso e pei ose tamaititi e leai se fesoasoani ma o loo siosiomia e talitonuga faapaupau o le Yule logi le laau Kerisimasi, Santa Claus ma Rudolph le renitia isu mumu - ae ole mea moni,o Aso Paia o loo tusia i le Tusi; o ata ia o laasaga ma fuafuaga mata'utia o loo galueina e le Atua i lenei lalolagi. E ao ona e filifili ete mulimuli ia Keriso ma ulua'i Aposetolo, pe mulimuli i le Katoliko le fa'atamā o mea leaga, na faateleina le faiga o tu faapaupau i le tautinoina o le faakerisiano

O lē Fea E Te Filifilia?

E pei ona faamatalaina ile tusi, O le a le Aso e paū i ai le Sapati? Pe ana fai e te iai ile taimi o faataoto, e na ole kalena paia ma le Tusi Paia, e tatau lava ona e tausia le Sapati, ma Aso Paia aua o aso ia o lo o poloa'i mai ai le Tusi Paia. Mo se faata'ita'iga, o le upu "Kerisimasi" e le o iai i le Tusi Paia. E leai fo'i se mea o tau faa'ataata mai i le Tusi Paia e tatau ona tatou tausia le aso na fanau mai ai Keriso, tusa lava pe na tatou iloa le taimi na fanau mai ai, pe leai fo'i. O le upu "Eseta" e na o le fa'atasi ona ta'uaina e le King James Version i le Galuega 12:4. Peita'i ua ioe uma le au atamamai latou te iloa ina o le upu "Eseta" o le igoa o le atua fafine anamua o Ishtar, po o le "Isis" - Atua o feusuaiga ma le fanautama anamua i sasa'e Tutotonu. O le mafuaaga lena o lo o lotolotoi ai ma le fuamoa i le Eseta - ona o tapuaiga faapaupau o feusuaiga ma le fanau tama.

O le mea e malie ai, ao tatou iai i Aoga Aso Sa, e le'i aoaoina ai i tatou e uiga i Aso Paia a le Atua, o aso ia o lo o ta'ua soo i totonu o le Tusi Paia. O nei Aso Paia o lo'o manino ona faatonuina mai i le Feafaiga Tuai, ma sa tausia fo'i e Keriso ma le Au Aposetolo i le Feagaiga Fou sa faamaonia male mautinoa mo le Ekalesia Kerisiano.

Ua ta'u mai e Luka ia i tatou, "Ua tupu le tama, ma ua malosi lona loto, ua tumu i le poto; ua ia te ia foi le alofa o le Atua. Ua o i Ierusalem ona mātua i lea tausaga ma lea tausaga i le tausamiga o le paseka." (Luka 2:40-41) Ona faamatala ai lea ina ua mavae ona aso ona nofo ai lea o Iesu i Ierusalem (f43). Ua iloa e sikola popoto o aso ua ta'ua, O Aso o le Areto e le Fa'afefeteina e faia pe a maea le Paseka. E ui lava la o Iesu sa malosi i le ola fa'alēagagā, ma sa ia mafai fo'i ona talanoa i mataupu faaale Tusi Paia, ma fomai o le tulafono a tagata lutaia, ae sa ia faatasi pea ma ona matua i le tausiga o aso o le Areto e le faafefeteina.

I le vaitaimi o lana tala'iga sa faamanatuina ai e Iesu le Tausamiga o Fale Apitaga i Ierusalem. Na ia fetalai atu i lona au soo, "O ae ia outou i lea tausamiga," (Ioane 7:8) Sa manino lava ma faatonuina i latou e le Alo o le Atua ina ia o e tausia le Tausamiga o fale Apitaga. Ona maliu ae lea o Iesu i le Tausamiga, e lei faa'ali, a e peisea²i ua faalilolilo ina ne'i tele ai se femisa'ai. Ua oo i le aso tuloto o le tausamiga ua maliu ae ai Iesu i le malumalu, ua a'oa'o ai. I le faaiuga o le soifuaga faaletagata o Iesu, na molimau mai ai e Luka ia i tatou: Ona o'o mai ai lea o le aso o Areto e le Faafefeteina, e tatau ona fasi ai o le Paseka. Ona aauina atu lea e ia o Peteru ma Ioane, ua faapea atu, lua te o e sauni le Paseka mo i tatou, tatou te aai

ai. Ona ia fetalai atu lea ia tei latou, “O lou faanaunautaiga, ua tele lava lou manao e muai ai lenei paseka ma outou, ae ou te lei puapuagatia.” (Luka 22:7-8,15) I le avea ai o tagata matutua e fai ma faataitaiga mo Iesu le Paseka.

Ona tatou iloa ai lea, na faatuina le Ekalesia Faaaposetolo ina ua amataina le isi o Aso Paia a le Atua e taua o le Aso Penetekoso, ina ua liligi ifo le Agaga Paia: “Ina ua oo mai le Penetekoso, na latou faatasi uma i le mea e tasi.”(Galuega 2:1) E faapefea pe ana fai na teena e le au so’o Aso Paia o le Atua ma latou te lei i ai foi i le aso na foai mai ai le Agaga Paia?

O lo o mau nisi tagata na o le pau lena o le aso o le Penetekoso na faamanatuina e le Ekalesia anamua. Leai. I le Galuega 20:16, tatou te faitau ai “Aua na filifili Saulo e folau loa e le afe i Efeso, ina nei tele se taimi e alu ai i Asia: Aua o lo o faavave o ia, pe mafai ona oo i Ierusalema i le aso Penetekoso. Sa tausia fo’i e Paulo le isi Penetekoso i Efeso: “A e ou te nofo pea i Efeso seia oo i le Penetekoso. Aua ua faaavanoa mo a’u le faitotoa lautele ma le matuā aoga, e toatele foi o e faatau’i ese. (1 Koronito 16:8-9)

E le gata i lea, ae sa manino lava le poloaiga a le Aposetolo a Paulo i le Ekalesia, Nuu Ese i Korinito ina ia faamanatuina Aso o Areto e le Faafefeteina. O lo o manino aso tusia e Paulo. “O lenei, ia outou tia’i ese ai le mea faafefete tuai, ina ia avea outou ma paluga fou, aua ua leai se mea faafefete ia te outou. Aua foi o Keriso lo tatou Paseka ua fasia mo i tatou. O lenei, aua tatou te faia le Tausamiga ma le mea faafefete tuai, po o le mea faafefete o le loto leaga ma le amio leaga, a ia faia ma le mea e le faafefeteina o le loto lelei ma le faamaoni.” (1 Korinito 5:7-8). Na manino lava le talaiga a Paulo e uiga i le tausia o le Tausamiga o Areto e le faafefeteina .

O Malo uma lava o le a Faamanatuina Aso Paia o le Atua

O valoaga mamana o taimi mulimuli na manino lelei ai o malo uma o le ā aoaoina e faamanatu le Tausamiga o Fale Apitaga! Ina ua musuia le agaga o le Atua le perofeta o Sakaria e tusi e uiga i tausaga o lumanai mai:

“Faauta, o le a o’o mai le aso o leova, o le a tufatufaina ai foi a outou oa na vete ia te outou. Aua ou te faapotopotoina nuu uma e tau ma Ierusalema; e āea le ‘aai, e vetea foi fale, ma fetosoaina fafine. E taitai faatagataotauaina le tasi vaega o le ‘aai: a o e totoe o le nuu, e le faate’aeseina i latou i le ‘aai.

Ona afio atu lea o leova e tau ma ia nuu, pei o le aso na tau ai o ia i le aso o le taua. E tu ona aao i lea aso i luga o le mauga o Olive, o loo feagai ma Ierusalem i le itu i Sasae, e vaeluaina foi le mauga o Olive i totonu i sasa'e ma sisifo, o le vanu tele lava! E tēa atu le tasi itu o le mauga i le itu i matu, ma le tasi ona itu i le itu i toga. O e totoe uma lava i nuu uma o e o mai e tau ma Ierusalem latou te o ae lava i lea tausaga ma lea tausaga e ifo i le Tupu, O leova o 'au; e fai ai fo'i le Tausamiga o Faleapitaga. A o le e le alu ae ai itu aiga o le lalolgai i Ierusalem e ifo i le Tupu, o leova o 'au ona leai lea o se uaga ia tei latou. Ae afai e le alu ae le itu aiga o Aikupito, ma latou le omai, e leai foi se uaga ia tei latou; ona i ai lea o le mala e taia ai e leova o nu'u o e le o ae e fai le tausamiga o Fale Apitaga. O le sala lena a Aikupito, ma le sala a nuu uma, o le o ae e fai le Tausamiga o Fale Apitaga. (Sakaria 14:1-4,16-19).

Talu ai o tagata ola uma i luga o le fogaeleele o le a aoaoina e tausia Aso Paia o loo tusia i le Tusi Paia, aisea e le tatau ai loa ona amata ona usitai ma tausia Aso Paia a le Atua? Aisea e le avea ai loa i tatou ma se "paionia" faaleagaga e fai ma fesoasoani e faalauleleia le ala mo piliona o isi o le a oo mai i lenei malamalama i le taimi e mae'a ai le toe afio mai o Keriso?

E mafai ona e faapea ane, "Ua aoaoina i matou i Aso Paia o Ituaia! E tatau ea i tagata Kerisiano ona tausia Aso Paia o lutaia?"

O lea, fa'atoa ou faamatalaina atu o malo uma, lutaia ma Nuu Ese, o le a lē pine ona aoaoina i le tausiana o Aso Paia, e le ona o latou o "lutaia," ae ona ua poloaina e le Atua. O tagata uma na tausia le Lotu o le Feagaiga Fou e pei ona tatou faitau iai sa tausia e Keriso i latou ma faia se faaitaiga lelei. Sa tausia foi e le Au Aposetolo e na muamua.

Kerisiano Moni o le "Isarelu a le Atua"

O le tala e malamalama moni ai o le fetalaiga a Iesu i le fafine Samaria. Na ia ta'u atu i lenei fafine e le o se lutaia: Ua outou tapua'i ma le le iloa; a ua matou tapua'i ma le iloa. "Auā ma ia lutaia le faaolataga" (Ioane 4:22).

E ui na latou te'ena lana a'oa'oga, pe na latou ufiufina ma faaaogaina tu ma aga a tagata, ae na fa'asaoina e tagata lutaia le malamalamaaga I le Atua Fofoa ma na o le pau lea o le Tusi Paia tusitua na faaaogaina mo uluai Kerisiano o le Feagaiga Fou - lea ua tatou fa'aigoaina nei o le Feagaiga Tuai. O lo o manino lava, o tagata lutaia na tuuina atu i ai "afioga a le Atua" (Roma 3:1-2) lea e mautinoa lava na aofia ai Aso Paia o le Atua ma le

malamalama pe faapefea ona tusia le kalena paia na fa'avae ai na aso. O lea na iloa lelei ai e tagata lutaia lē o le a latou tapua'i iai. I le Feagaiga Tuai o lo o malamalama lelei "tagata lutaia" o Keriso lo latou Fa'aola. E ui lava i vaivaiga faaletagata ma tu ma aga na faia e tagata, na tausia lava e tagata lutaia tulafano faale-agaga a le Atua, tulafono e sefulu, le Sapati moni ma Aso Paia faale-tausaga na poloaina e le Atua Foafoa. O le tupuaga o Keriso le Mesia Valoia na fanaua mai e le ituaiga o lutaia.

Sa musuia le Aposetolo o Paulo ina ia tusia; "Auā e le o le lutaia le ua vaaia, e le o le peritome foi le ua vaaia i le tino; a e peitai o le ua le vaaia, o le lutaia lava lea; o le peritome foi, ua i le loto lea, o loo i la le agaga lea, e le o i la le tusi; o lona viiga e le mai tagata, a e mai le Atua. (Roma 2:28-29). O lutaia o ni Kerisiano fa'aleagaga moni lava i latou. E tatau ona tatou tausia tulafono fa'aleagaga ma Aso Pa'ia na foa'iina atu e le Atua ia Israelu, ma na toe fa'amautuina e ala i faata'itaiga sa faia e Keriso ma le Ekalesia sa musuia i le Feagaiga Fou pei ona tusia e Paulo: Auā e le aoga le peritome, po o le le peritomeina i e ua ia Keriso Iesu, tau lava ina ia faafouina i latou. O i latou uma foi o e savavali e faatatau i lenei mataupu, ia ia te i latou le manuia ma le alofa, ia i ai foi i le Israelu o le Atua." (Kalatia 6:15-16).

E manino lava o le "Israelu a le Atua" o tagata moni o le Atua i latou ua peritomeina fa'aleagaga ma ola foi Keriso i totonu ia te'i latou ma latou ola usiusita'i i le Agaga Paia. O lea e tatau ona aveese lo tatou ola faailoga tagata ma tatou faapea ane o mea na a lutaia, na foaiina mai na mea uma e le Atua mo ituaiga tagata uma ma malo uma.

O Kerisiano moni e tatau ona tausia ma faamamaluina aso na faapaiaina e le Atua. E tatau ona tatou mulimuli i fa'ata'ita'iga a Iesu ma ona uluai Aposetolo sa latou faia. E pei ona o le a tatou va'aia o le iloa ma le tausia o Aso Pa'ia a le Atua o le a malamalama ai o tatou mafaufau i fuafuaga sililsili ese a lo tatou Atua mo lalo nei. E iai fuafuaga ua uma ona saunia e le Atua mo tagata uma. Na faailoa mai e le Atua nei mea uma ia tei tatou e ala i le tusi a Paulo na tusi ai i tagata Efeso: Ina ua ia faailoa mai ia te i tatou le mea lilo sa i lona finagalo, e tusa ma lana lava pule tunoa na la tuu ai i lona finagalo ina ia tasi mea uma ia Keriso o mea uma ile lagi ma mea ile lalolagi.; o ia lava ua matou maua ai le tofi, o i matou na tofia anamua, e tusa ma le **finagalo** o Le ua matuā galue i mea uma lava, e tusa ma le pule a lona finagalo" (Efeso 1:9-11)

O Se Muai Vaaiga o le Fuafuaga

O le to'atele o lo'o fa'apea mai o Kerisiano latou te tausia "talisuaga a le Alii "misisā" "Eukalesitia" po'o se fa'amanatuga e aofia ai le faaaogaina o le areto ma le uaina e fai ma faatusa ole tino o Keriso. E to'aitiiti foi ua malamalama pe aisea ua latou faia ai lenei mea ma e pei ona ou faailoa atu - e tele ituaiga aso faamanatu e aofia ai lala eseese o Kerisinetoma.

E pei ona o le a tatou vaaia, o le faamanatuina o le faamanatuga o le sitepu muamua lea o Fuafuaga a le Atua. O le toatele o Kerisiano, latou tē lēo tausiā Aso Paia sa aumai e le Atua ona latou te le malamalama iai i le faatulagaina. I le Tusi Paia atoa o le tele o galuega mamana na faia e le Atua o lo o fa'aalia i aso e fitu. Aua i le amataga, na faia e le Atua le fitu aso o le vaiaso Kenese 1. O le aso fitu na faalia mai o lona Sapati Paia (Kenese 2:1-3) Mulimuli ane ona ia tuuina atu faapitoa lea o ona Tausamiga Paia e fitu o le aotelega atoa lea o ana fuafuaga mamana, e ao ona tausia e tagata uma. (Levitiko 23). I le Feagaiga Fou, tatou te maua ai Ekalesia e fitu o Fa'aaliga ua fa'amatalaina (Faaaliga 2-3). Ua tatou faitau e uiga i fa'amaufa'ailoga e fitu, pu e fitu mala mulimuli mai e fitu, ma isi mea. O le numera fitu o lo o faailoa mai ai fuafuaga a le Atua o le numera fitu o se numera faale Tusi Paia e taua tele ona uiga.

O lea e ao ai ina tatou malamalama e le na ose tasi se Tausamiga a le Atua e ao ona tatou tausia i tausaga taitasi uma. E tataua ona tatou suesue ma le faamaoni i Tausamiga e Fitu a le Atua faatasi ai ma lo tatou malamalama lelei i le faamoemoe o nei Tausamiga sa fuafuaina e le Atua.

O le Tausamiga muamua, o le fa'amanatuina o le maliu puapuaga o Keriso mo i tatou. Ua ta'ua e le Tusi Paia o le "Paseka." O le ata o lo tatou taliaina o le tino o Keriso ma lona toto masaa, na la ofoina e fai ma o tatou fa'aola. Ia manatua o le sitepu muamua lea o fuafuaga a le Atua mo i tatou. E manomia lo tatou tutupu a'e i le alofa tunoa ma le poto (2 Peteru 3:18), ma amata ona tu'uese a tatou agasala tuai ma le olaga tuai sa tatou ola mai ai. O le ata vaaia lena o lo'o atagia mai i le aso o le Areto e le Fa'afefeteina.

Lona Tolu, o tatou o le lafu mamoe toaitiiti a le Ekalesia Faaleagaga (Luka 12:32) e na'o ē fua mai i fua lelei faaleagaga o le a faasaoina pē a Afio Faalua mai o Keriso. O le Tausamiga lona tolu a le Atua o Le Tausamiga o le Penetekoso po'o le Tausamiga o "Ulua'i Fua" ata o le mea moni e na o se vaega laitiiti lava o le seleselega Faaleagaga o lo'o filifilia e le Atua i le taimi nei. Pe ana fai o lea, semanu o le piliona o tagata e le talitonu, o augatupulaga ua tuana'i, ma e o'o mai lava i ona aso nei e pei o Saina, Initia

ma isi malo o le a vave ona malamalama atoatoa i le Atua moni ma taliaina lona Alo e avea ma o tataou Faaola.

O Mea o le A Va'aia o le a Tutupu i le Masina Lona Fitu

O lona fa, o mala matautia o le a tutupu i le i'uga e oo atu i le toe afio mai o Keriso o lo o atagia mai i le Tausamiga o le Iligapu. (Levitiko 23:24). O pu sa masani ona fa'aaogaina i Isaraelu anamua o ni faailo o taua. I o tatou aso, o le faailoga o taua ma vevesi i le lalolagi atoa, o le a toe afio mai ai lesu Keriso faatasi ma e ua oti o le a toe faatuina mai "i le pu mulimuli" (1Korinito 15:51-52).

I le mae'a ai o le toe afio mai o Keriso, o le a saisai ai Satani ma tuu i le to e le gata "ina ia le toe faaseseina e ia o nuu" (Faaaliga 20:3). I le iuga ao saisaitia pea Satani, o le a avea ai le tagata e faatasi ma le Atua. O i o loo manino mai ai le ata lona lima o Tausamiga o le Aso o le Togisala.

Pe a maea le toe afio mai o Keriso, ona liligiina mai lea e le Atua lona Agaga ma amata ona fa'amalamalamaina tagata uma i le uiga moni o ana fuafuaga silisili. Sa fetalai fo'i le Atua i lona taimi, "E tumu le lalolagi i le malamalama o leova e pei o le vai ona ufitia le saimi" (Isaia 11:9) E atagia mai ai tatou te fiafia e faamanatu le Tausamiga e fitu a le Atua, Le Tausamiga o Fale Apitaga po o le "Tausamiga e mafuta faatasi ai tagata."(Esoto 34:22)

O le kalena o Tausamiga Paia a le Atua e fa'avae i vaitau o seleselega a Isaraelu. E pei ona faailoa atu o ata vaaia ia o seleselega faaleagaga i le taimi o le a faia ai le selselega a le Atua. O le seleselega muamua e toaititi i latou ole a filifilia ai ole ata lona ole "Tausamiga o Ulua'i Fua". I le iuga o lenei lalolagi, ole seleselega tele ole tautoulu o lo'o atagia mai ai le Tausamiga o Faapotopotoga.

Lenei ua tatou oo mai i le Tausamiga lona fitu ma o le Tausamiga mulimuli faaleagaga lea na tuuina mai e le Atua i ona tagata. E tatau ona tatou fesili ane, e tatau ona iai se vaega mulimuli o ana fuafuaga mamana. E pei ona faaalua muamua e oo lava i le iuga o le nofoaiga a Keriso i le 1000 tausaga, o lo'o iai le piliona o tagata i aso la anamua latou te lei malamalama lava i se mea e uiga i le Atua moni poo lesu, po'o le finagalo o le Atua mo o latou olaga. O le a le mea o le a tupu i piliona o nei tagata e lei "faaolaina." "E leai se faailoga tagata i le Atua?" (Roma 2:11) O Tausamiga Paia a le Atua e fitu o lo o atagia mai ai o le taimi muamua lea o le a faamalamalama ai e le Atua ma tatala o latou mafaufau i lana upu ma lona finagalo ma aveatu ia tei latou se avanoa matagofie e tusia ai o latou igoa i le "Tusi o le Ola." (Faaaliga 20:11-12)

I le tuu faatasia o Tausamiga ia e fitu tatou te ta'ua o le "Toe Aso ole Aso Tele (Ioane 7:37), ua tatou faaumaina le ata o foafoaga a lo tatou Atua foafoa. E ala i le taliaina muamua o Keriso lo tatou Faaola i le ata o Iona Afio Fa'alua mai ma le faatuina o le Malo o le Atua i luga o le foga'ele'ele, e oo lava i le Toe Aso o le AsoTele, o lo o atagia mai ai le taimi e maua uma ai e tagata ola uma le avanoa mo le saolotoga ma le ola fiafia o ata moni na o fuafuaga a le Atua. O faamanatuga faapaupau faalēlotu o lo o faasese ai e Satani tagata o se mea e faigofie lava ona sui. Aua o le mea moni, o lo o latou talai'ina se atua pepelo, ma se Keriso pepelo ma taitaina ai tagata i le taliaina o se tala pepelo, lea e fete'enai tonu ai ma le feau moni na folafolaina e Keriso ma le Au Aposetolo!

O nei Tausamiga e fitu - o Tausamiga e taifitu aso ma tausamiga e lima e taitasi aso, ona 19 lea o aso o Tausamiga i tausaga taitasi. I le 19 o nei aso faapitoa, e tasi le aso e malolo ai faalēSapati. O Sapati ia e fitu e ta'ua fo'i o Aso Paia a le Atua o aso muamua ma aso mulimuli o le Tausamiga o Areto e le faafefeteina, le Tausamiga o le Penetekoso, le Tausamiga o Iligapu, le Aso o le Togisala, le uluai aso o le Tausamiga o Fale Apitaga ma le Toe Aso o le Aso Tele.

E pei ona tatou faitau i lenei tusi, O Tausamiga nei a le Atua e sili atu ona taua nai lo aso e tatou te malolo mai ai i galuega, i aso fai soo, faatasi ai ma aso malolo faatulagaina a le lautele. O isi aso malolo a tagata lutaia, pei o Hanukkan ma Purim, oni aso taua tele i olaga o tagata lutaia, aua e tele se sao taua sa latou faia mo tagata atoa ma le malo o lutaia e oo mai lava i aso nei. Ae o na aso malolo lautele e le o aafia ai i totonu o Tausamiga a le Alii, e pei ona lisiina i le Levitiko 23. O nei aso faapitoa e sili ona fiafia iai atunuu, e pei o le aso malolo le Aso Faafetai a le Unite Setete o Amerika ma Kanata ae peitai e leai se tagatanu'u Peretania na te maitauina Kanata. O le Aso Faafetai e le manatu se tagata e le ose lutaia e iai se fesootaiga ma aso malolo o le malo o lutaia. Ma e le'i poloai mai le Atua ia tausamiga nei aso malolo mo tagata lautele, e pei ona ia poloai mai i le Levitiko 23 e ao ina tatou tausamiga ona Tausamiga.

Ua tataua nei loa ona tatou su'esu'e ma saili ma le faamaoni i uiga loloto o Tausamiga e Fitu na poloaina mai e le Atua e tausamiga e tagata uma. E ao ina tatou manatua, ma tausamiga nei Tausamiga faapitoa e faamalamalama atili ai o tatou loto ile silisili ese o fuafuaga a le Atua foafoa, ina ia lave'aiina mai ai i tatou i Aso o le Sauaga.

Tausamiga 1:

O LE PASEKA

Na faia e le Atua le tagata i lona lava faatusa ma ia foliga lava ia te ia lava, ina ia avea ma ona atalii ma afafine moni, ma ia faamanuia iai, ma tuuina i totonu ia te'i latou le agaga paia.

O le a maua e tagata soifua uma le saolotoga e filifili ai i le lelei ma le leaga. E tuuina le avanoa e le Atua i tagata uma e faia ai le agasala i lalo o le taitaiga a Satani ma tuu saoloto i ona lava ala mo le ono afe tausaga. O alii ma fafine o le a latou aoaoina mai ni lesona e ala i le uia o mafatiaga ma mea tiga, seia oo i le taimi e salamo moni ai ma valaauina ta'ito'atasi e le Atua i le mea moni. (Ioane 6:44)

Talu ai o le tetee atu ile Atua o se agasala e sili ona leaga. O lo o fetalai foi le Atua e faapea o le tofogi o le agasala o le oti" (Roma 6:23), na filifili lava e le Atua ua na'o lona lava Alo o Iesu Keriso na maliu e togiolaina agasala. Faapei ona ia filifili mai ia i tatou ona o ia, a o lei faavaeina le lalolagi, ina ia paia i tatou ma ia le mata'uleagaina i ona luma, i le alofa (Efeso 1:4-7)

Na poloai foi le Atua ia Isaraelu anamua "aua o i le toto le ola o le tino." (Levitiko 17:11). Ua uma ona iai i totonu o fuafuaaga a le Atua e na te filifilia lona lava Alo e to'atasi ina ia faamaligiina lona toto e avea ma mamoe sili o le Paseka, e fesootai uma ai tagata Kerisiano i le Atua le Tama. Aua fo'i o "Keriso" la tatou Paseka ua fasia mo i tatou. (1 Korinito 5:7). "O lenei ua ta'uamitonuina nei i tatou i lona toto, e le faaolaina ea i tatou e ia ai le toasa" (Roma 5:9).

I le lumana'i o le vaiaso ao lei omai i le mauga o Sinai ao lei tusia foi le Feagaiga Tuai na poloai le Atua i le fanauga a Isaraelu ina ia tuu ese se tamai mamoe e le pona. (Esoto 12:3-6). O lenei tamai mamoe e tatau ona avea ma "tamai mamoe o le Paseka" ma sa fasia i le afiafi o le aso sefulu fa o Apipa - o le masina muamua o le tausaga i le kalena paia a le Atua.

Vaega 1: O le Paseka

Na finagalo le Atua e fasiotia ulumatua uma lava a Aikupito talu ai le musu o Farao e tuu atu ona tagata e o. Na poloai atu le Atua i le fanauga o Isaraelu afai latou te usitai ia te ia, ia latou fasi le tamai mamoe o le Paseka ma aai ai, ia latou ave foi nisi toto, ma avatu i pou o le faitotoa ma ona faalava i luga o a latou fale - a ou vaai atu foi i le toto ona ou sosopo ai lea ia te outou: e le oo foi ia te outou le mala e fano ai, pe a ou taia le nuu o Aikupito. O lenei e fai foi lenei aso ma faamanatuga ia te outou, tou te fai ai foi le tausamiga ia leova: e faia i'a outou tupulaga amuli lenei Tausamiga o le tulafono e faavavau." (f 13-14).

I le afe fa selau tausaga lumanai atu, na saunia ai e le Atua ni faataitaiga lelei i atunuu e tusa ma le tolu miliona o tagata ina ia latou faatauaina le taulaga matautia na saunia e Lona lava Alo, o Iesu Keriso e fai ma sui o tagata uma. O le fasia o le Paseka po o le tamai mamoe, o lo o fa'aalia manino mai ai le taulaga na saunia e Keriso, o le ata manino foi lea o fuafuaga muamua a le Atua ina ia avea tagata soifua uma ma ona atalii ma afafaine.

O le Paseka o lo o atagia mai ai: "ua ta'uamionuina fua i lona alofa tunoa i le togiola ia Keriso Iesu, o le ua tuuina mai i luma e le Atua, o le e finagalo mālie ai i le faatuatua i lona toto; ina ia faaalitoina mai lana amiotonu i le le tauia o agasala ua mavae, i le faapalepale o le Atua;" (Roma 3:24-25)

O so'o se Kerisiano moni lava ua poloaina e le Atua e tausia le Paseka. Na poloai le Atua e faatasi i le tausaga ona tausia le Paseka ae ao ona faia i le po tonu na aveina ai Iesu e faasatauro. Na faamatala e le Aposetolo o Paulo: O a'u foi na ou maua mai le Alii le mea na ou tuuina atu ai ia te outou. O lea lava po na faalataina ai le Alii o Iesu, na faafetai, ona tofitofi ai lea, mai fai atu, Ina tago ia, ina aai; o lo'u tino lenei tofitofi e fai ma sui o outou, ia faia lenei mea ma faamanatuga ia te Au. Ua ia faapea fo'i i le ipu ina ua uma ona aai, ua faapea atu, O le ipu lenei o le feagaiga fou lea i lo'u toto: ia outou faia lenei mea ma faamanatuga ia te au i aso uma tou te feinu ai. Auā o aso uma tou te aai ai i lenei areto, ma feinu i lenei ipu tou te faailoa atu ai le maliu o le Alii "seia afio mai o ia." (1 Korinito 11:23-26)

E pei ona fetalai mai o Iesu i le (Ioane 13:5-15) pe a oo i le faamanatuga o le Paseka (le tausamiga muamua i le kalena a Le Alii), e tatau ona mulumulu muamua vae o le au Kerisiano. I vaitaimi o Iesu Keriso sa aoaoina lona au soo ina ia mulumulu vae o tagata pe a asiasi mai i le fale o lona matai. O le avea ai ma se auauna, sa aoaoina ai e Iesu le au Kerisiano

ina ia ao ona maua le loto maualalo ma ia tatou maua le uiga o le tautua ma le alofa faamaoni o le tasi i le tasi e pei ona faia e Keriso mo i tatou.

Ona sosoo ai lea ma le faamanatuga o le Paseka e ala i le taumafaina o le areto. O le faamanatuina lena o le tino o Keriso sa faamomoina mo i tatou. (1 Korinito 11:24). O le afioga a le Atua o lo'o manino mai ai na puapuagatia Iesu i le sasaina ma toe faasatauroina. Ua taua e le au tusitala i fala faasolopito, o le sasa sa faaaogaina e Roma e faia i le pau ae faapipii iai uamea maama'ai, a faaaogaina e masaesaea ai le aano o le tino. Ona o le malosi o le sauaga na mafua ai ona tele le toto masaa, ma o le to'atele lava o pagota e faasalaina e feoti lava i le taimi e sasaina ai ae le'i faasatauroina.

Aisea na uia e ai Iesu ia sauaga?

Pe tusa ma le 700 tausaga ao lei tutupu nei mea uma, na valoia ai e le perofeta o Isaia e ala i le polaiga a le Atua ina ia faamatala mea o le a tutupu ma lona mafuaga. "E moni, ua na tauave o tatou tiga, ma na tauave o tatou faanoanoaga ua tatou manatu o ia ua taia, ua fasia e le Atua, ma ua faatigaina. A ua manua o ia ona a tatou soligatulafono, ua momomo o ia ona o a tatou amio leaga o le aoaina e filemu ai tatou sa i ona luga lea, o ona faalavalava foi ua malolo ai i tatou." (Isaia 53:4-5)

O faalavalava o Iesu ua tatou malololo ai; o se faamatalaga foi e moni ma sa'o. "Na ia tauave o tatou tiga." o le "na tauave o o tatou mai "I le Feagaiga Fou o lo o faamatala ai e Mataio, le faamaloloina e Iesu o le tele o tagata mama'i, ina ia taunuu ai le valoaga a Isaia ua faapea mai: O ia lava na tauaveina o tatou vaivai, ma na tauave o tatou ma'i. (Mataio 8:16-17)

Pe a tatou taliaina le areto o le faamanatuga o le Paseka, ua tatou toe faamautinoaina ai lo tatou taliaina ole tino o Keriso na la faamomoina i le satauro e fai ma o tatou faamalologa i o tatou tino. E ao ai lava ia tei tatou ona talisapaia ma le loto faamaualalo ma le maofa o le loto i le ta'ua o le taulaga na saunia e lo tatou Faaola i le ma le faatuatua moni i le Atua Silisili, o le na faia le faamalologa mo o tatou tino ma le na mafaia ona faia le fa'amagaloga fa'aleagaga!

I le taimi o le sauniga o le Paseka, e tatau ona tatou tagofia le uaina mumu e fai ma faatusa o le toto masa'a o Iesu Keriso o lē na saunia le togiola sili mole togiina o a tatou agasala. E ta'ua tele lo tatou malamalama o Keriso o lo tatou Foafoa. O le mea lea, o lona soifua e sili atu ona taua nai lo o tatou ola uma pe a tu'ufa'atasia. O lo o molimau mai ai foi le talalelei a

Ioane e uiga ia Iesu Keriso: “Sa i le amataga, le Lokou, sa i le Atua le Lokou, o le Atua foi le Lokou. O ia lava o le Atua sa i le amataga. Na ia faia mea uma lava; e leai foi se mea e tasi na faia e lei faia e ia. Sa i le lalolagi o ia, na ia faia foi le lalolagi; a e lei iloa lava ia e le lalolagi. Ua maliu mai o ia i lona lava nuu, a e lei talia o ia e ona lava tagata.”(Ioane 1:1-3,10-11) Sa iai lava o Ia i le amataga faatasi ma le Tama (Fillipi 2:7 NRSV) o lona mamalu ma le mana na avea ai o Ia ma o tatou faaola. Ae i le amataga o Keriso lava ia na faia le tagata ma mea uma lava - faatasi ma le Tama. Fai mai le Efeso 3, o le Atua na “faia mea uma lava e ala ia Iesu Keriso.” (V9)

E leitioa a molimau le Afioga Paia i le “ta’ua” o le toto o Iesu Keriso! Aua o lona toto sa galue faatasi ma le Tama i le foafoaina o le lagi ma le lalolagi ma mea uma o iai.

Pe a tatou tagofia le uaina po ole toto o Keriso o lo o faatusaina ai le matautia o le lotomaulalo o lē na foafoaina i tatou, e tatau ona faatumuina i tatou i le lagona faagaeetia ma le loto faafetai ma tapuai ma le faamaoni i le Atua ma lo tatou Fa’aola. Afai ua tatou salamo ma le faamaoni mai ia tatou agasala ma talia Iesu e fai mo tatou Faaola, e tatau ona tatou maua le faatuatua atoatoa, “Auā ua outou iloa e lei togiolaina outou i mea e pala, o le ario po o le auro, ma a outou amio le aoga na tuuina mai e o outou tamā; o le toto tāua o Keriso e pei o le tamai mamoe e le ponā lava, e leai foi sona leaga.” (1 Peteru 1:18-19).

Tausamiga 2:

O LE TAUSAMIGA O LE ARETO E LE FA'AFEFETEINA

Ua tauamitonuina i tatou mai ia tatou agasala ua mavae ma ua “fa’asaoina” ai i tatou ma mafai ai ona tatou fesootai ma le Atua i le taulaga o le Paseka na saunia e Keriso. “E moni ua ta’uamitonuina nei i tatou i lona toto, e le faaolaina ea i tatou e ia ai le toasa i se a?” (Roma 5:9) E ui ua faamagaloina a tatou agasala ua tuana’i, e mafai ona tatou o ese mai i agasala o lenei olaga ma faapefea ona tatou manumalo ai?

O le Tausamiga o le Areto e le Faafefeteina le tali. E atagia ai le isi sitepu o fuafuaga a le Atua. Ina ua uma ona faatonuina le Paseka ona fetalai lea o le Atua ia Mose: “E fitu aso tou te le aai ai i areto e le faafefeteina; o le aso muamua lava tou te ave ese ai mea e faafefete a’i i o outou fale; auā ai se ‘ai le areto ua faafefeteina e afua i le aso muamua e oo i le aso fitu, e vavaeeseina lea tagata i Isaraelu. Tou te faia foi le faapotopotoga paia i le aso muamua, ma le faapotopotoga paia i le aso fitu; aua le fai ai se galuega e tasi, tau lava o mea e ‘ai a tagata uma, na o lea tou te faia. Ia outou tausi foi i le *tausamiga* o areto e le faafefeteina, auā o lenei lava aso ua ou aumai ai a outou ‘au nai le nuu o Aikupito, o le mea lea tou te tausi ai lenei aso i a outou tupulaga amuli, o le tulafono lea e faavavau. (Esoto 12:15-17)

Ole Tausamiga o Areto e le Faafefeteina o le taimi na laveai ai e le Atua le fanauga a Isaraelu mai Aikupito - o le faailoga o le agasala. O le ata moni lena o tagata Kerisiano na o ese mai i Aikupito mai agasala faaleagaga. O le mea faafefete lava ia o se tasi lea faatusa o le agasala. Ina ua a’oa’o atu Iesu ma lapatai atu i ona au so’o e uiga i a’oa’oga pepelo ma le agasala a le au Faresaio, na ia fetalai atu ia tei latou.” Ia outou, ia matuā ‘alo ese i le mea faafefete a le au faresaio ma le au “Satukaio” (Mataio 16:6). O mea faafefete e mafua mai paluga falaoa e faia i le “fefete” e faapena foi le agasala e mafua mai i mea leaga o lo o tutupu i totonu o le loto. O mea

faafefete ia e masani ona sosolo ma fefete ai le paluga e oo fo'i i totonu o le Ekalesia, o lo o iai le agasala ae le o mafai ona iloa atu. O le mea lea na tau atu ai e le Aposetolo o Paulo i Korinito: "E le tusa lo outou mitamita. Tou te le iloa ea o se mea faafefete itiiti, e faafefeteina ai le palugāfalaoa uma lava? O le mea lea ia outou faatea ese ai le mea faafefete tuai, ina ia avea outou ma paluga fou, ona ua leai o se mea faafefete ia te outou; auā foi o Keriso la tatou paseka ua fasia mo i tatou." (1 Korinito 5:6-7)

E toatele tagata Kerisiano o lo o talitonu e fa'aolaina i tatou pe a faamagaloina a tatou agasala. E moni sa faaolaina i tatou mai le faasalaga o le oti pe a tatou agasala i aso ua tuanai. Ae e mafai lava ona tatou pau'u ese ma le leiloa i le faaolataga. (Eperu 6:4-8 ; 10:26-31; 1 Korinito 1:18) A o lē tumau seia oo i le gataaga e faaolaina lea (Mataio 24:13) Na faamatalaina e Paulo: "Auā afai ua lelei i tatou ma le Atua i le maliu o lona Alo, ina o fai i tatou mona fili, e matuā faaolaina lava i tatou i lona soifua, o i tatou ua lelei ma ia." (Roma 5:10) Afai tatou te tausia na o le Paseka, ua tatou tuua fuafuaga atoa uma a le Atua. E gata foi lo tatou iloa i le faasatauroina o Iesu i le Satauro. Ia manatua sa toetu mai lo tatou Faaola! O lona soifua toe tu mai ua faaolaina ai i tatou.

Na fetalai atu foi Iesu i ona au soo. "Afai e te fia maua le ola e faavavau ia e tausii i poloaiga (Mataio 19:7) Na ia fetalai atu ina "salamo" ia (Mareko 1:15) - o lona uiga, liliu ese mai le agasala ae ui atu i ala o le amiotonu. I se isi faaupuga e manaomia e le Atua le tuu ese o agasala mai i o tatou leaga ae ia osia se feagaiga ma ia. E ao ina tatou tausii ana tulafono faaleagaga, o lona finagalo lea tatou te mulimuli iai.

Sa tusia e le Aposetolo o Paulo: Auā o le alofa tunoa ua faaolaina ai outou i le faatuatua; e le mai ia te outou foi lea, a o le mea ua foaiina mai e le Atua; e le ona o galuega, ina ne'i mitamita se tasi." (Efeso 2:8-9). E toatele e o lo'o latou mau i lenei fuaiupu o lo o faapea mai ai a tatou maua lava le meaalofa foa'ifua a le Atua - tatou te le toe manaomia le tausiiaina o tulafono a le Atua. Ae o se manatu i le isi fuaiupu lea, sa faamatalaina e Paulo e faapea na faia i tatou ia Keriso Iesu, ina ia tatou faia galuega lelei, na saunia anamua e le lo tatou Atua ina ia tatou savavali ai." (f.10). Ioe e tatau ona suia atoatoa o tatou olaga mai i le le usiusita'i i le usiusita'i i le Atua. Auā o lo'o ia silafia, e leai se mea e tonu a'toa'toa i lalo nei a'o tatou i ai pea i lenei tino e le tumau. (Roma 7:18,24) (1 Ioane 1:8-10). O lo o ia manaomia lo tatou savavali i ona ala ma tetee malosii ma faatoilaloina le agasala (cf. 1 Korinito 9:24-27; Faaaliga 2:11; 3:21; 2:7) O tatou olaga agasala tuai e tatau ona

faasatauroina faatasi ma Keriso”(Kalatia 2:20). Ua papatisoina i tatou ma ua tanumia faatasi ma Keriso ona toe faatuina mai lea mai le “tuugamau po’o le vai”o le faatusa o le “toetu”i le ola fou ia Keriso.O lea sa tatau ai ona tatou ola e tusa ma ona ala mai i lena vaitaimi. O le Tausamiga o le Areto e le Faafefeteina o le ata moni o lo tatou o ese mai i le agasala ae tatou ola i ona ala.

O lea sa faatonuina ai e Paulo le Ekalesia i Nuuese i Korinito: “O lenei, aua tatou te faia le tausamiga ma le mea faafefete tuai, po o le mea faafefete o le loto leaga ma le amio leaga; a *ia faia* ma le mea e le faafefeteina, o le loto lelei ma le faamaoni.” (1 Korinito 5:8)

O lo o manino lelei lava o lo o tusi i le Feagaiga Fou e ao ona tausia le Tausamiga o le Areto e le Faafefeteina, o lenei faatonuga sa tuuina atu muamua i le Ekalesia i Nuuese, aua sa lei iai se “lutaia”! I le fuaiupu e 7, o lo o fesoota’i ai e Paulo le Tausamiga o Areto e le Faafefeteina ma le Paseka, talu ai o le Paseka e fa’atatau i le faamagaloina o agasala, ae o le Tausamiga o le Areto e le Faafefeteina e faatatau i le faanaunauta’iga ma le fesoasoani a le Atua ina ia tatou ola i le alofa tunoa ma le poto ina ia fai ma tagata matua, “e *tatau* ma le tumu o Keriso;” (Efeso 4:13)

E fa’apefea la ona faamanatu e Kerisiano lenei Tausamiga? A’o latalata atu i tausaga ta’itasi, o tagata Kerisiano moni ole Feagaiga Fou e tatau ona ave’seina mea faafefeteina (pei ole falaoa ua mae’a ona faafefete) mai o latou fale ma fanua.la ai le areto e le faafefeteina i aso e fitu! ae aua nei iloa ia te oe se mea faafefeteina. O le faailoga o le agasala. Ae pe afai e maua ane se mea faafefete ua fai le Tausamiga ia vave tiai ese lena mea (Esoto 13:7).

A’o latou saili i mea e ao ona fa’amamaina i le tautotogo e ao ona manatua e pei o le nutigamea o falaoa faafefeteina ona toulu i totonu o le tulimanu o le fale, o lona uiga o lo’o iai le agasala lilo o lafi i o latou olaga. Ioe, latou te ofo i nisi o nofaga latou te maua ai mea faafefete. E tatau ai i le au Kerisiano ona ole atu i le Atua e faamamaina i latou i le faaleagaga ma ia faali atu nisi agasala latou te le o mautinoa o lo teu i o latou loto.

E fitu aso atoatoa e ao i Kerisiano moni o le Feagaiga Fou e tatau on tiai ese ai mea faafefete mai o latou fale ma aveese mai ia latou mea totino. Ia taulai foi i le aveesea atoatoa o a latou agasala. E faamanatu foi ia tei latou e ala i le tausia o nei Tausamiga na poloai mai ai le Atua o lo o iai se tiute taūa e fa’aauau i luma o le Atua pe a manumalo mai i le lalolagi ma Satani le Tiapolo. O le uiga moni lea o le Areto e le Faafefeteina !

Tausamiga 3:

PENETEKOSO

Epei ona va'aia, o Aso Paia uma na poloaina e le Atua, o se tasi lea o ata vaaia o Ana Fuafuaga Matautia ma lona finagalo mo tagata soifua. O le Paseka o le ata o lo tatou taliaina o le tino na faasauaina ma le toto na maligi-o le faamagaloga ma le leleiga na faia ma le Atua, o le areto le faafefeteina ole ata vaaia o le o ese mai agasala ae ia ola i le alofa tunoa.

I le faamatalaina o se avanoa e mafai ai e Kerisiano o le Feagaiga Fou ona agai i luga atu ma tua atu o tagata Isaraelu i aso anamua, na tau mai e le tusitala o Eperu: "O lenei, ia tatou fefefe, ina ua tuuina mai pea o le upu ua folafola mai ia sao atu ai i lona malologa, ne'i ai so outou e le oo atu i ai. Auā foi ua tala'iina mai i tatou i le tala lelei e pei o i latou; a ua le aoga le upu na latou faalogologo i ai, ina ua le faatatauina ma le faatuatua i e na faalogologo i ai." (Eperu 4:1-2) E ala i le mauaina o le Agaga Paia na folafolaina e mafai e tagata Kerisiano o le Feagaiga Fou ona maua le faatuatua moni i le Atua, ma iloa lelei lona faamoemoe ma tuu avanoa i le tagata, e fesoasoani ia mafai ona faatoilaloina le agasala ma ola i le alofa.

I le iloa ai o le matagofie o polomisi a le Atua, na tusia e Peteru "ina ia tofusia faatasi ai outou i le amio Atua." (2 Peteru 1:4). E ala i le mana o Lona Agaga Paia e foaina mai i totonu ia i tatou lana amio paia ma ona uiga agalelei-ao tatou savavali faatasi ma la ma ola i le faaleagaga. O lea e mafai ai ona tatou matu'ai faatoilaloina le agasala- faatusa ia Isaraelu anamua, latou te lei mauaina le meaalofa foaifuaina o le Agaga Paia. A maea le Areto e le Faafefeteina ona sosoo ai lea ma le Penetekoso po o le Tausamiga o le "Uluai Fua" (Esoto 34:22) o loo ia faamanatu mai ai ia tei tatou e toaititi "uluai fua" faaleagaga o lo o valaauina nei e le Atua, ae o le a la fa'amanuiaina lenei tama'i seleselega e ala i le faamalosi oi tatou e lona agaga ina ia ia mafai ona tatou manumalo ma tuputupu a'e fa'aleagaga e ui lava o lo'o tatou ola i lenei olaga leaga. (Kalatia 1:4)

Vaega 3: Penetekoso

I le faatonuina o le Tausamiga o le “Uluai Fua”, ia Isaraelu anamua, na poloai ai le Atua i le fanauga a Isaraelu e aumai se fusi saito, o le uluai fua o le seleselega o le tautotogo ae o saito i le faitaulaga. (Levitiko 23:10) E tatau ona ia luluina lenei fusi saito - i se sauniga paia i luma o leova ina ia talia mo outou, ma maua ai faamanuiaga o le seleselega o le tautotogo, ma fa’aalia ai le toetu o Keriso fa’aleagaga ua taliaina e le Tama le “uluai fua muamua” o le tagata muamua na fanauina i le Atua e ala i le toetu. O lenei “seleselega saito” na faia i le Aso Sa ina ua mae’a le Sapati faalevaiaso i aso o le Tausamiga o le Areto e le Faafefeteina (p.11). Afai ete fa’atusatusaina le Mataio 28:9 ma le Ioane 20:17, o le a e iloa ai na fa’aalia e Keriso o la lava i le Tama ina ua mae’a lona toetu mai i le afiafi. (1 Koronito 15:20,23; Roma 8:29; Koloso 1:15,18).

Sa faitau e tagata Isaraelu aso e 50 amata mai i le Aso Sa nei:

“Ia outou faitaulia e amata i le aso e aupito mai i le sapati, o le aso lava na outou au mai ai le fusi saito o le taulaga lulu; ia atoatoa o sapati e fitu. E oo lava i le aso e aupito mai i le sapati e fitu tou te faitau ai o aso e limagafulu; ona fai taulaga ai lea i le taulaga i mea e ‘ai fou ia leova. Tou te aumai mai o outou fale o areto lulu e lua fua, e ta’ilua omera, e fai i le falaoa lelei, ia tao ma le mea e faafefete a’i, o mea faapolopolo ia ia leova.” (Levitiko 23:15-17).

O le Penetekoso o lona uiga moni o le 50th. Mai i le faitauina o le 50 aso mai le Aso Sa atofaina, latou te oo ai lava i le Aso Sa e fitu ai vaiaso, e le mafai lava ona paū lenei aso faitauina ise aso ole vaiaso e paū tonu lava i le Aso Sa. Pe ana faapea na poloaiina lenei Pentekoso e tausia i se aso faapitoa o le masina semanū e le manaomia le “faitauina” o aso, ae peitai o loo manino mai lava le afioga a le Atua.

I le aso o le Penetekoso po’o le “Ulua’i Fua” na latou ofoina atu ai ni falaoa lelei. Na ta’ua mai o nei falaoa lelei o mea faapolopolo ia ia leova. (P.17) O nei “Ulua’i Fua” o areto o le ata moni lea o le Feagaiga Tuai ma le Feagaiga Fou i tagata o le Atua - talu ai e oo lava i perofeta o le Feagaiga Tuai na i ai le Agaga Paia o le Atua. (cf. 1 Peteru 1:10-11)

O le lesona taua o le “faapoopolo” e toaitiiti tagata o le “Ulua’i Fua” o lona tausaga e valaauina e le Atua. E pei ona matou ta’ua, o le amataga o le seleselga i Isaraelu o se seleselega laititi pe a faatusatusa i le seleselega tele na oo mai i le tautoulu.

E faapena foi i aso nei faaleagaga. Na fetalai Iesu Keriso: “Ia outou ulu atu i le faitotoa va’apiapi; auā e va tele le faitotoa, e lautele foi le ala e tau atu i le malaia, e toatele foi i latou o e ui atu ai. Auā e va’apiapi le faitotoa, e lauitiiti foi le ala e tau atu i le ola, e toaitiiti foi i latou o e maua.” (Mataio 7:13-14). Ma o loo molimau foi Ioane i le fetalaiga a Keriso: “44: E le mafai e se tasi ona sau ia te au, pe a le tosina mai e le Tamā ua auina mai a’u; ou te toe faatuina foi o ia i le aso gataaga. 65: Ua ia fetalai atu foi, O le mea lea na ou fai atu ai ia te outou, e le mafai e se tasi ona sau ia te au, pe a le foaiina atu ai ia te ia, e lo’u Tamā.” (Ioane 6:44, 65).

O se mea uiga ese ona e foliga mai i le miliona ma miliona o tagata Kerisiano autu o lo o latou aoaoina, o loo taumafai le Atua e “lavea’i” le lalolagi i le taimi lenei, o le Atua moni o le Tusi Paia e lē o taumafai e faia se mea faapena! Afai o lea, o lona uiga o le faitau piliona o tagata i Initia, Saina, Aferika ma isi nofoaga na valaauina i le fa’a-Kerisiano. Ae ole to’atele o latou na soifua ma feoti e le’i faalogo i le suafa o Keriso!

O le Tausamiga o le Penetekoso po’o le “Ulua’i Fua” o loo faamanatu mai ia tei tatou, i lea tausaga ma lea tausaga, e toaitiiti e o valaauina mai le lalolagi na o e o filifilia ile “faapolopolo” ma o le a sili atu le toatele o agaga o le a maua mai i le seleselega mulimuli e pei ona tatou vaaia. Ao tatou faitau e uiga i le “liligiina mai” o le Agaga Paia i le aso muamua o le Feagaiga Fou le Aso o le Penetekoso, e mafai ona musuia i tatou e faapea - e ui ina toaitiiti - ae o i “latou ua valaauina” i aso nei ua iai le mana o le Agaga Paia e faia ai le Galuega a le Atua, faapea foi ona tatou manumalo i le fesoasoani e lei tuuina mai muamua i tagata.

Ona fai atu ai lea o Peteru ia te i latou. Ina salamo ia, ma ia taitasi ma papatisoina outou uma i le suafa o Iesu Keriso, mo le faamagaloina o agasala; ona maua lea e outou o le mea foai fua mai, o le Agaga Paia lea. Auā o ia te outou ma a outou fanau le mea ua folafolaina mai, atoa ma e o mamao uma lava, o i latou uma e valaauina e le Alii lo tatou Atua.” (Galuega 2:38-39). Ona tatou faitau ai lea i le upu faamalosi a Paulo i le Roma 5:5, “O le faamoemoe foi e le mā ai, auā ua faamaligi mai le alofa o le Atua i o tatou loto e le Agaga Paia ua foaiina mai ia te i tatou.”

O le a le ituaiga alofa ua liligi mai e le Agaga Paia? O lo o molimau manino mai lava e le Aposetolo o Ioane, “Aua o lenei lava le alofa i le Atua, pe a tatou tausi i ana poloaiga, e lē mamafa foi ana poloaiga.” (Ioane 5:3). E ala i le Agaga Paia, e tatau ona tatou maua ai le alofa atoatoa e tatau ai ona

ASO PAIA: FUAFUAGA AUTU A LE ATUA

Uiga o Tausamiga i le Feagaiga Tuai

Paseka*	O le ata o le tamai mamoe na fasia o lona toto na sausau- na i faitotoa o fale o Isaraelu i Aikupito ina ua fasiotia ulumatu-a uma a Aikupito. (Levitiko 23:5)
Tausa-miga o le Areto e Le Faafefeteina	O le tausami-ga e fitu aso e aveese ai mea faafefete pe o falaoa e faia i le fefete, e aveese uma mai i le fale e le mafai ona toe ai. (Levitiko 23:6-14)
Aso o le Penetekoso	O le aso e faama- natuina ai le faaputu-putina o uluai fua muamua laiti o le seleselega e lua fa'ale tausaga e tausia i le mavae o le 50 aso e faia pe a uma le tausami-ga o le Areto e le Faafefet-eina. (Levitiko 23:15-22)
Tausa-miga o le Iligapu	O le aso ua tau'a e Rosh Hasana o le aso faailogai-na e tagata lutaia o le aso fiafia e ili ai pu. (Levitiko 23:23-25)
Aso o le Togiola	O le aso ole anapogi ma le salamo e faia e tagata lutaia e ta'u o le Yom Kippur. (Levitiko 23:26-32)
Tausa-miga o Fale Apitaga	O le fitu o aso e faamana-tuina o le selesele-ga sili ona mao'ae ma maitauin-a e ala i le o ese mai i aiga ae o e nonofo i se isi mea mo le taimi atoa o le tausami-ga. (Levitiko 23:33-43)
O le Toe Aso o le Aso Tele	E sosoo ma le tausami-ga o fale apitaga i le aso valu ua ta'ua o le tausami-ga ole Toe Aso ole Aso Tele (Levitiko 23:36-39)

Uiga o Tausamiga i le Feagaiga Fou

Paseka*	Ata- O Iesu Keriso na faamaligina lona toto mo a tatou agasala
Tausa-miga o le Areto e Le Faafefeteina	O le ata o le tuueseina e le au Kerisian-o o a latou agasala ae liliu atu o latou ola ia Iesu Keriso
Aso o le Penetekoso	O le ata o le liliigiina o le Agaga Paia o le Atua i tagata Kerisian-o
Tausa-miga o le Iligapu	O le ata o le taimi o taua ma mala, mulimuli mai ai lea o le toe afio faalua mai o Iesu Keriso
Aso o le Togiola	O le ata o le fusifusia o Satani i le amataga o le meleniu-ma ma le lalolagi ua tasi i le Atua
Tausa-miga o Fale Apitaga	O le ata o le meleniu-ma o le a pule ai i le lalolagi Iesu Keriso ma Lana aupai
O le Toe Aso o le Aso Tele	O le ata o le Nofoalii Sinasina ma o tagata uma e lei valaauli-aina muamua o le a latou faalogo ai ile tala lelei ma talia le faaolata-ga

*E amata le tausamiga i le gotu o le la i le afiafi

FA'AFIAFIAGA FA'ALETASAGA A LE ATUA

	2021	2022	2023	2024	2025	2026
Paseka*	Marti 27	Aperila 15	Aperila 5	Aperila 22	Aperila 12	Aperila 1
Tausa-miga o le Areto e Le Faafefeteina	Mati 28 - Aperila 3	Aperila 16-22	Aperila 6-12	Aperila 23-29	Aperila 13-19	Aperila 2-8
Aso o le Penetekoso	Me 16	Iuni 5	Me 28	Iuni 16	Iuni 1	Me 24
Tausa-miga o le Iligapu	Setema 7	Setema 26	Setema 16	Oketopa 3	Setema 23	Setema 12
Aso o le Togiola	Setema 16	Oketopa 5	Setema 25	Oketopa 12	Oketopa 2	Setema 21
Tausa-miga o Fale Apitaga	Setema 21-27	Oketopa 10-16	Setema 30 - Oketopa 6	Oketopa 17-23	Oketopa 7-13	Setema 26- Oketopa 2
O le Toe Aso o le Aso Tele	Setema 28	Oketopa 17	Oketopa 7	Oketopa 24	Oketopa 14	Oketopa 3

*E amata le tausaiaina i le goto o le la i le afiafi

Vaega 3: Penetekoso

tatou faataunuina le tausiana o ana Tulafono e Sefulu faaleagaga, ma ia faia le amio Atua.

I vaiami o le Aso Penetekoso o lo o faamanatu mai ai lo tatou valaauina faapitoa ma foaiina ai e le Atua le malosia e ala i lona Agaga e faamautinoaina ai o tatou ua “valaauina ma filifilia” (2 Peteru 1:10).

Tausamiga 4:

TAUSAMIGA O LE ILIGAPU

O tausamiga muamua e tolu a le Atua e faataunuuina tonu lava i le taimi o le tautotogo. O tausamiga lena o lo o atagia mai ai itu faaleagaga o Fuafuaga a le Atua. O tausamiga mulimuli e fa na pauū uma i le masina e fitu - o le masina o le iuga po’o le ata o le mae’a o fuafuaga a le Atua.

O le Tausamiga o le Iligapu e tupu i le aso muamua lava o le fitu o masina o le kalena paia a le Atua. E faata’ua’ina ai fuafuaga a le Atua o loo mulimuli mai - o lo o atagia mai ai le laveaina e le Atua o ona tagata pe a oo i le taimi o le toasa o le toe afio faalua mai o Keriso le tupu o tupu. Manatua le amataga sa poloai ai le Atua i le fanauga a Isaraelu anamua: “Fai atu ia i le fanauga a Isaraelu, O le fituga masina, o le aso muamua o le masina ia outou fai ai se Sapati, o le faapotopotoga paia.” (Levitiko 23:24).

I Isaraelu, o le iliina o le pu e fai ma faailoga e faapotopoto ai tagata, e faia ai se gaiioiga - po o se faailo o se taua. (Numera 10:1-10). O le faa’iloga lea o lo tuuina mai o le a oo mai le taimi faigata mulimuli, o le Tausamiga o le Iligapu o lo o manino mai ai ua lata mai taimi o fouvalega a le lalolagi, vevesi ma taua, o le tele lava o valoaga a le Tusi Paia o lo o faaalua mai le toe tu mai o Keriso.

I le vaitaimi o le nofo’aiga tupu a Solomona sa maitauina ai sa faaaogaina pu e faalauiloa ai lona tulai mai e avea ma tupu fou. (1 Tupu 1:34, 39). O le tulai mai o Solomona sa ia pulea e ala i le tausia o tulafono ma tausii le filemu, ina ua mae’a taua sa faia e lona tama o Tavita, o se faailoga o le a oo mai le Perenise ole Filemu, O Iesu Keriso. (f. : 1 Tupu 4:25, 1 Nofoaiga Tupu 28:5).

O lenei vaitau o pulega leaga a tagata e amataina i le faaleaga’ina, o meatotino a tagata ma faaiuina i tagata. O lo o molimau mai le Tusi Paia e uiga i se Taua matau’ia o le Lalolagi o le a oo mai, o le a lilofia ai le lalolagi

Vaega 4: Tausamiga O le Iligapu

atoa i se taimi lata mai. E ao ia tei tatou ona a’oa’oina e uiga i nei mea o le a tutupu pe a oo mai le aso “Tele o Puapuaga.” (Mataio 24:21) ma mea o le a oo mai ai, faamolemole o lo o iai isi matou tusi o lo o faamatalaina ai le Faa’aliga o Manu Feai ma le lunaite Setete ma Peretania Tele i le valoaga. E tufa fua’ina atu e leai se totogi.

Faafetai - i le Atua ao lei oo mai nei puapuaga- o lo o ia faailoa mai auala tatou te uia ina ia faasaoina mai ai i tatou mai lona toasā e faaumatia ai i tatou. (f. 22). Auā o le aso lea e uma ai le taimi o le tagata ae amataina ai le “Aso o le Ali’i. Ae e le amataina i se filemu, pe o se mea e fiafia ai tagata uma. Ae ole SiliSili ese o le a ia tuuina le filemu i luga o tagata fouvale e ala i le muamua ona talepeina o loto maa’a o tagata. O le mea lea na toe faamanatu mai ai ma fa’aalia le pao’a mata’utia a le Atua Foafoa ia i tatou e ala i lona mana e toe faamanatu mai i tagata uma e ao ona ususitai o la o le Pule silisili o le lagi ma le lalolagi.

Na musuia loelu e ala i lana valoaga. “Ia outou ilia le pu i Siona, ia taalili i lo’u mauga paia, ia tetemu i latou uma o e nonofo i le nuu; auā o le a oo mai le aso o leova, auā ua latalata mai.” (Ioelu 2:1). O le iliina la o pu o le “faailo” o lo o valoia “Ua latalata mai le Aso o le Alii.”

I le vaai faalēmafaufau i le taimi na faasaolotoina ai Isaraelu ma toe aumaia i o latou laueleele, e faapena le toe Afio Faalua Mai o Keriso e pei ona valoia e Isaia. “O le aso foi lea e ili ai le pu tele, ona o mai ai lea o i latou na fai a fano i le nuu o Asuria, atoa foi ma e na auauna i le nuu o Aikupito latou te ifo ia leova i le mauga paia i Ierusalem.” (Isaia 27:13).

O le mea moni o le mala o Iligapu o lo faamatalaina i le Fa’aliga 8 ma le 9. I le o’o mai o nei mala matautia pe a mavae le Aso Tele o Puapuaga o le a luluina ai le lalolagi, e leai sona tusa ma mea na tutupu muamua. Ina ua uma ona faatoilaloina le Manu Feai ma perofeta pepelo (Faaaliga 13:15-18) ma na faaumatia ai foi le miliona o tagata i le tele o meatau, ona toe faailoa mai lea e le Atua i tagata fouvale o la lava o le pule silisili i le lagi ma le lalolagi. “O agelu e toafitu ua i ai pu e fitu, ua latou sauniuni e ili. Ua ili foi e le agelu muamua le pu, ona i ai lea o le uato’a ma le afi ua fefilo ma le toto, ua lafo ifo i le lalolagi; ona susunuina ai lea o lona tolu o vaega o laau, ma ua susunuina vao iti lauolaola uma lava.” (Faaaliga 8:6-7)

I le olaga soifua o Iesu Keriso, o le tasi lea o fesoasoani na auina mai e laveai ai se tagata fouvale ma aumai ai le filemu moni i le lalolagi.

“Ua ili foi e lona toafitu o agelu le pu, ona i ai lea i le lagi o le leo tele ua faapea mai, O malo o le lalolagi ua avea mo lo tatou Alii ma lona Keriso, e fai foi o ia ma tupu e faavavau faavavau lava.” (Faaaliga 11:15).

O lea, o Keriso, o le a toe afio mai pe a ilia le pu lona fitu; “A mavae atu le puapuaga o ia ona aso, ona faapogisaina loa lea o le la, e le susulu mai foi le masina, e pauu foi fetu mai le lagi, e luluina foi ‘au a le lagi. Ona iloa ai lea i le lagi o le faailoga o le Atalii o le tagata; ona taufaitagitu’i ai lea o itu aiga uma o le lalolagi; latou te iloa atu foi le Atalii o le tagata ua sau i ao o le lagi ma le mana ma le mamalu tele. E a’auina atu foi e ia o ana agelu ma le leo tele o le pu, latou te faapotopoto foi i e ua filifilia e ia mai matāmatagi e fa, e amata i le tasi tulu’iga o le lagi, e oo i le tasi tulu’iga. (Mataio 24:29-31).

O le a le mafuaga o le auina mai e Keriso o ana agelu e faaputupu i ana au filifilia i lona taimi? E pei ona tusia e le Aposetolo o Paulo e uiga i le toe afio mai o Keriso i le pu mulimuli: “Ao lenei, ua toe faatuina mai Keriso i e ua oti, ua avea ma faapolopolo o e ua momo’e” (1 Korinito 15:20). Ae sa ia toe faamatala atili: Aua ua oo mai le toe tutu talu le tagata (Keriso). Auā faapei ona oti uma ia Atamu, e faapea foi ona faaolaina ia Keriso. Ae peita’i e taitoatasi ma lona lava tofi, o le faapolopolo o Keriso lea, mulimuli ane o e o ia Keriso e toe tutū i lona afio mai. (toegā o le faapolopolo) (f. 21-23). O afea o le a tutupu uma ai nei mea? Na tusia e Paulo: “Faauta mai, ou te tau atu ia te outou le mea lilo; e le momoe i tatou uma, ae liua i tatou uma e faafuase’i lava, o le emo o le mata, pe a ilia le pu faauma; auā e ilia lava, e toe tutū mai ai e ua oti ma le ola pea; e liua foi i tatou.” (f 51-52). E leai se isi mea e sili atu nai i lo o lenei mea moni ma le ofofoiga.

E mafai ona tatou mafaufau, pe faamata e mafai ona tatou vaai i se malamalama e matua pupula uiga ese e le mafai e se tagata ona vaai iai? O foliga vaaia lona o Keriso toetu pe a toe afio mai i lona mamalu. E mafai ona tatou vaai faalemafafau i se pu e maoa’e le tele o lona leo e pa mai ma luluina ai le lalolagi ma folafolaina mai ai le toe afio mai o Keriso le Tupu o Tupu? E mafai ona tatou vaai faalemafau i le au paia moni a le Atua o ē mulimuli ia te ia po o fea lava e afio iai? (Faaliga 14:4) E toe tutū mai i latou ma feiloai ma Keriso i le ea, e aua’i faatasi ma lo latou Faaola ma fesoasoani ia te la i le faatautaia o lenei lalolagi fouvale (Faa’aliga 2:26-27)?

O nei mea uma o le a faaaliā pe a ilia le pu lona fitu! Aua e ui lava o le Tausamiga o Iligapu o lo o atagia mai ai osofaiga matautia, taua ma mala e faaumatia ai tagata soifua, o lo o atagia mai ai foi le lavea’iina paia a le Atua

Vaega 4: Tausamiga O le Iligapu

Fofoa o le na te toe faafouina mea uma ma aumaia le filemu moni ma le fiafia i tagata ua talia ma sauni e faalogo ma mulimuli i le Atua i ona ala amiotonu.

Tausamiga 5:

O LE ASO O TOGIOLA

I le mae'a ai o le "luluina" tele o malo, na toe maliu mai Keriso ma lona malosiaga tele, aua o lo o iai le isi laasaga o Fuafuaga sili a le Atua i tagata uma o le lalolagi ina ia tasi i latou ma le Atua. Ona mafai ai lea ona latou naunau e a'oa'o ala o le Atua ma faamanuiaina ai.

O nei ona po, ua fouvale malo i le Atua ma Ona ala aua ua faaseseina i latou. I lona alofa mutimutivale ma lona poto na faia ai e le Atua tagata uma ina ia ola saoloto. Na ia silafia lava o le a taumafai malosi tagata e fai mea i o latou lava ala, aua i le taimi mulimuli ane latou te iloa ai o ala sao a le Atua sa a'oa'oina ai i latou. O lea la, ua faatagaina ai e le Atua tagata ona faaseseina ina ia "vavae'eseina" mai e le Atua ile 6000 tausaga, talu ai ona o tala'aga faasolopito o tagata.

I lana afioga, ua faaalua manino mai ai e le Atua ia i tatou o Satani le Tiapolo o le "atua" o lenei lalolagi. "Afai foi ua ufitia la matou tala lelei, ua ufitia ia i e ua fano;ua faatau'asoina manatu o i latou o e le talitonu e le atua o lenei lalolagi, ina ne'i pupula atu ia te i latou le malamalama o le tala lelei i le mamalu o Keriso, ua tusa o ia ma le Atua." (2 Korinito 4:3-4). E pei ona musuia o Paulo e tusia le tusi:"O outou foi lava o e na oti i amio leaga ma agasala, na outou savavali ai anamua, e tusa ma le tu a lenei lalolagi, e tusa ma le ta'ita'i o le au faipule i le vanimonimo, o le agaga lea o loo matuā galue nei i e ua faalogogata;" (Efeso 2:1-2)

O Satani le Tiapolo, le "perenise o lenei lalolagi", pei ona valaauina ai o ia e Iesu. (Ioane 14:30, LF), o lo'o galue faasolo'atoa ma le malosi e gata ai i le faaseseina o tagata soifua. I le avea ai ma "perenise o le malosi o le ea" ua "faasalalauina" ai e Satani, e pei lava o le faiga o faasalalauga a leitio ma televise. Ae o loo ia tuuina manatu ma aitia leaga ma mafaufauga sese i tagata. O lo o ia faatupuina foi ni lagona leaga i loto o tagata o le Atua ua "maliu" pe e le o la foi o se Atua moni, e le o ia o se Atua faale'agaga e leiloa

foi po o fea e sau ai, e leai la se mea o le a usiusitai ai fua tagata ma mulimuli atu i ona ala, ma tausii i tulafono e sefulu a le Atua ma tausia lona Sapati ma tausamiga faaletausaga pei o Keriso ma uluai Aposetolo na faia se faata'ita'iga mo matou.

Na tusia foi e le Aposetolo faapelepele o Ioane; "Ua lafo foi le tarako tele, o le gata tuai lea, ua igoa i le tiapolo, i le ma Satani, o lē faasese i le lalolagi uma; ua lafo ifo i le lalolagi, ua lafo foi ana agelu faatasi ma ia." (Faaaliga 12:9).

Sa musuia le Aposetolo o Peteru e lapata'i mai ia i tatou: "Ia outou faautauta, ia outou mata'ala, ona o le ua fai outou mona fili, o le tiapolo lea, o loo fealualua'i o ia e pei o se leona tagi, ua saili se tasi e 'aina e ia; ia outou tetee atu ia te ia, ma ia mausali outou i le faatuatua, ina ua outou iloa o loo taufaaatoaina ia lava mea tiga i lo outou au uso o i le lalolagi." (1 Peteru 5:8-9).

O le mea lea, i le amataga o le nofoa'iga a Keriso, pe ana fai sa i ai le filemu moni ma le agaga sa'o i totonu o tagata - semanu e tuliese Satani le Tiapolo. I le tulafono e faaatatau i le Aso o le Togisala i le Levitiko 23:27-28: "O le aso sefulu o lea lava fituga masina, o le aso o le togiola lea; o le faapotopotoga paia lea ia te outou; ia puapuagatia ai outou e outou, ma avatu ai se taulaga e *fai* i le afi ia leova. Aua tou te faia se galuega e tasi i lea lava aso; auā o le aso lea o le togiola, e fai ai se togiola mo outou i luma o leova lo outou Atua." O lenei Aso e tausii e tagata o le Atua, e oo i le faavavau. E pei ona tatou vaaia, e o'o lava i le Aposetolo i Nuu Ese sa mautinoa lava le tausii o le Aso o le Togiola i totonu o le falepui o le vaa a Roma i le ogatotonu o le Sami Metitirani - i tausaga ua mavae atu ua fai mai nisi ua uma ona "tuituiina i luga o le Satauro nei tausamiga." (Galuega 27:9)!

O se faamatalaga manino o le uiga moni o le Togisala o lo o faailoa mai e le Levitiko 16. O iina tatou te maua ai se sauniga o le Feagaiga Tuai, e tataua ona ave ane ai ni oti se lua i luma o le Faitaulaga Sili. I totonu i Isaraelu, o le "faia o le vili" o se talosaga i le Atua na te filifilia se mataupu. O lea na faia ai e Arona o "vili" e saili ai po'o le a le mea e fai ma sui o nei 'oti. (Levitiko 16:8) - O le tasi e fai ma sui o le Atua o Isaraelu na mulimuli ane lafoai o la lava ma avea ma o tatou Faola (1 Korinito 10:4) O le isi oti e fai ma sui o Azazel, o se faaupuga - e pei ona faamatala e le tele o mau faaEperu - mo le "fili", o Satani le Tiapolo !

O le 'oti na fai lea ma sui tulaga o le "Alii" o le a maliu. Na poloai atu foi le Atua ia Arona e "ofo atu foi le oti e fai ma taulaga mo agasala" (Levitiko 16:9) e pei foi ona ofoina atu e Iesu Keriso Lona lava soifua mo a tatou agasala. Ae e faatatau le "oti filii" na poloai ai le Atua:

"E faaee foi e Arona ona lima e lua i le ulu o le 'oti ola, ma faa'ali i ona luma o amio leaga uma a le fanauga o Isaraelu, ma a latou solitulafono uma, e uiga i a latou agasala, o loo faaee ai i le ulu o le 'oti, ona tuu atu ai lea o le 'oti i le lima o le tagata ua saunia e ave i le vao. E ave foi e le 'oti i ona luga a latou amioleaga i le nuu e le ainā, na te tuua foi le 'oti e alu i le vao."(f. 21-22). O le tamaloa na taitaia lenei 'oti o Satani lea i le "vao" e tatau ona taele mama lona tino ma ona ofu.(f.26) O le faatusa, na fesootai tonu lava ma le tino pala leaga - o Satani le Tiapolo. Sa faaoga o ia e tuu eseese ai Satani mai tagata o le Atua. Na ia taitaiina mamao ese le "filii" 'oti i le vao - (le faatusa lea o Satani), e le mafai ona toe faaseseina tagata o le Atua!

O afea e fai ai lenei sauniga o le Anapogi? "O le tulafono lea ia te outou e faavavau: A o'o i le fitu o masina, o le aso sefulu o lea masina." (f.29). E ui sa malamalama tagata Isaraelu anamua o lenei sauniga e tatau ona avea ma vaega o le faamanatuina o le Aso o le Togisala, ae toaitiiti lava na mauaina le uiga fa'aleagaga e tatau ona iai Kerisiano o le Feagaiga Fou. Na faapefea ona leiloaina le uiga o le 'oti muamua - le Mesia - ina ua la afio mai i lenei lalolagi e maliu mo a tatou agasala?

Peitai o lo o faa'alia i le Feagaiga Fou, o le mea tonu lava lea e tupu pe a toe afio mai Keriso. O le toe afio mai o Iesu le Tupu o tupu o lo o faamatala mai i le Faaaliga 19:11-21. I le Faaaliga 20, o lo o ta'u mai ai, o le agelu e uiga ese lona malosi ua tofia e aveeseina Satani. "Ua pue foi e ia le tarako, o le gata tuai, o le tiapolo lea ma Satani, ua ia fusifusi foi ia te ia i tausaga e afe. Ua ia lafo foi ia te ia i le to e le gata, ua pupuni foi ia te ia, ma tuuina atu le faamaufaailoga i ona luga, ina ia le toe faaseseina e ia o nuu, seia atoa ia tausaga e afe; a mavae foi ia, e tatau ona tatalaina o ia i nai aso."(f.2-3). E manino lava o Satani - o le "Azazel" po'o le filii - o le a vavae'esea mai tagata soifua e le mafai ai ona ia faaseseina tagata i le taimi o le afe tausaga o le pulega a Keriso!

O le mafuaaga lena o le a vave ai ona avea le tagata e tasi ma le Atua i ona ala - e le toe iai ni amio faale Satani. I le taimi o le nofoa'iga tupu a Keriso. "Latou te le faia se me leaga, latou te le faaumatia foi se mea i lo'u mauga paia uma; aua e tumu le lalolagi i le malamalama o leova, e pei ona ufitia o le ilititai i le suasami." (Isaia 11:9).

Vaega 5: Aso ole Togiola

Sa faamatala atili e Isaia, i taimi o le tauaso o tagata soifua o le a ia aveesea uma. “E faaumatia foi e ia i lenei mauga le ie ufiufi, o loo ufitia a’i nuu uma, ma le ufiufi ua ufitia a’i nuu ese uma lava. E faaumatia e ia le oti e faavavau; e soloieseai foi e le Alii o leova o loimata i mata uma lava; e faateaeeseina foi e ia le a’oa’ina o lona nuu i le lalolagi uma lava; auā ua fetalai mai ai leova.” (25:7-8). O le a ia aveesea ma tapunia faasalalauga leaga a Satani sa tauaso ai tagata soifua, ae o le a mafai ona avea ma tagata moni e “tasi” ma le Atua. O le a totogi e Keriso a tatou agasala, a o Satani le Tiapolo o le a lafo i le “to e le gata.” (Faaaliga 20:3) - ua pupuni foi ia te ia ma o lona tau foi lena mo a tatou agasala.

E amiotonu le Atua. O le a ia tuu foi i luga o le ulu o Satani agasala e tele sa ia faaosoosoina ai tagata e faasaga i le Atua, ma ia faaseseina manatu o tagata soifua o le Atua o se Atua le amiotonu, ma ana tulafono. I le taimi mulimuli o le a a’oa’oina tagata ina ia faafetaia, ma alofa moni ma tapuai ma le faamaoni i le Atua o le Tusi Paia. O le Togiola mo Agasala ua latalata ona faataunuuina.

Laasaga 6:

TAUSAMIGA O FALE APITAGA

I na ua tulieseā Satani, o le isi la'asaga o Fuafuaga a le Atua i le Mileniuma o le a nofo tupu faatasi ma Keriso ma avea ma Tupu o Tupu. O le a aua'i Keriso faatasi ma le au paia o e ua toe tutu mai o e sa a'oa'oina i ala o le Atua. E aofia ai le "seleselega tele" o le au paia - le taimi o le a soifua uma ane ai tagata o le a latou mauaina avanoa e auauna, usita'i ma aoaoina i ala o le Atua Foafua. I le Levitiko 23:34, na faatonuina ai e le Atua lenei tausamiga ia Isaraelu anamua. "Fai atu ia i le fanauga a Isaraelu, 'O le aso sefulu ma le lima o lea lava fituga masina," O le Tausamiga o Fale Apitaga e fitu aso e faia ai ia leova" O ata o le fitu o aso o le mileniuma po ole 1,000 tausaga faavaitaimi o le talaaga o tagata-o lo o lumanai mai. I le Levitiko 23, ua ta'ua o le Tausamiga o Fale Apitaga po o "fale lauvao" e faamanatu ai ia Isaraelu o i latou o "tagata aumau" i le laueleele. Fa'aleagaga e toe faamanatu ai i tagata Kerisiano - o i tatou o fanau a Aperaaano - "o tagata ese i latou ma āumau i le lalolagi." (Eperu 11:13) o lo o vaavaai atu i le malo o le Atua. Ae i le Esoto 23 tatou te maua ai le ta'utoulu o Tausamiga o lo o faamatalaina o le "Tausamiga o le Faapotopotoga, i le faaiuga o le tausaga latou te faaputu i fua o a latou galuega mai le fanua" (f.16). E faapena fo'i le ata o le faamanatuina o le seleselega tele o le tautoulu i Isaraelu. O le ata vaaia foi lena o le seleselega tele o agaga o le a filifilia i le taimi o le afe tausaga o le pulega a Keriso!

O le a tatou vaaia ai foi i lea taimi o le a "tumu le lalolagi i le malamalama o leova e pei ona ufitia ole iliti tai i le suāsami" (Isaia 11:9) "Latou te le mafai foi ona faia se mea leaga, latou te le faaumatia foi se mea i lo'u mauga paia uma;" O le a sasa'a mai lona filemu ma le olioli tele e lei tofaina muamua e le lalolagi uma "E leai foi se leona, e le alu ae ai foi ma se manu fe'ai; e le i ai lava se isi mea e maua i ai. A e savavali ai e ua togiolaina ma foi atu e ua togiolaina ia leova, latou te o mai foi i Siona ma le alaga ma

le olioli e faavavau i luga i o latou ulu. E latou te maua le olioli ma le fiafia, a e sosola ese le faanoanoa ma le puapuagatia.” (35:9-10).

Na musuia e Peteru, o lenei vaitaimi ta’ua “seia oo i tausaga e toe fuatai ai mea uma lava, ua fetalai mai e le Atua i fofoga o ana perofeta paia uma lava talu anamuā.” (Galuega 3:21). Ioe e moni lava ma faamaoni o valoaga ua leva o le Feagaiga Tuai ma le Feagaiga Fou o lo o talanoa mai e uiga i le taimi o le toe afio mai o Keriso, o le a malamalama le lalolagi uma, o le a saogalemu ma iai le filemu moni o le Atua i tagata soifua uma ona o le a a’oa’oina i tulafono amiotonu ma faataitai i ona ala i o latou olaga atoa.

“O aso e gata ai, e oo ina faatumauina ai o le mauga o *i ai* le fale o leova i tumutumu o atu mauga, e faamaualugaina foi e sili i mauga, ona gasolo ane ai lea o nuu uma i ai. E o mai lava nuu e tele, ma latou faapea ane, O mai ia, tatou o ae ia i le mauga o leova, o le fale o le Atua o lakopo; e a’oa’o mai foi o ia ia te i tatou i ona ala, ona tatou savavali ai lea i ona ala; auā e alu atu le tulafono ai Siona, o le afioga foi a leova ai Ierusalem. E faamasino foi o ia i nuu ese, ma aoai atu i nuu e tele; ona latou tu’i ai lea i a latou pelu e fai ma uamea o suotosinā, o latou tao foi e fai ma polo e teu a’i vine; e le sii atu le pelu e le tasi nuu i le tasi nuu, latou te le toe a’oa’o foi i taua.” (Isaia 2:2-4).

O le nofotupu o Keriso i le mileniuma o le taimi tonu lea sa valo’ia e Ieremia: “Faauta, e oo i ona aso ou te osia ai le feagaiga fou ma le aiga o Isaraelu, ma le aiga o Iuta. E le pei o le feagaiga na ou osia ma o latou tamā i le aso na ou tago ai i o latou lima e aumaia ai i latou mai le nuu o Aikupito; o la’u feagaiga lea na latou solia, o a’u foi na ou ‘ino’ino ai ia te i latou, ua fetalai mai ai leova; a o lenei le feagaiga ou te osia ma le aiga o Isaraelu, pe a mavae ia aso, o loo fetalai mai ai leova, ou te tuuina la’u tulafono i totonu ia te i latou, ma ou tusi ai i o latou loto; e fai foi a’u ma o latou Atua, o i latou foi e fai mo’u nuu.” (Ieremia 31:31-33).

O tulafono faaleagaga a le Atua silisili ese, ma Tulafono e sefulu, e lei faaleaogaina lava. O tulafono a le Atua ua faamausaliina e Iesu Keriso ma faatumauina atili, ina ia tatou tausia e le na o le tusi ae ia faapea fo’i lona faamoemoe faaleagaga. Ma e le na ona tatou alo ese mai i le fasioti tagata, ae tatou taumamao ese mai le inoino ma le faitaga’i. (Mat. 5:21-22) Ua a’oa’oina i tatou e le gata e aua le mulilua, ae e oo foi i le “va’ai” i se fafine e tuinanau ia te ia ! (f.27-29)

I le taimi o le Mileniuma, o tulafono a le Atua o le a tusia i loto ma mafaufau o tagata uma o le lalolagi. O tulafono foi a le Atua o le a faailoa

mai ai ona uiga moni lava - o le amio o lo o finagalo o ia e tatau ona tatou faia ina ia avea i tatou ma tupu ma faifeau e faavavau i Lona Malo! O lenei faamanuiga o le a mauaina e tagata uma i le taimi o le "Tausamiga matagofie o le Faapotopotoga" i le 1,000 tausaga e nofo tupu ai Keriso iinei i le lalolagi. O loo ta'u mai e le Faaaliga 20 ia i tatou, "Amuia mona ua paia le ua i ai se tofi i le uluai toe tu; e le oo foi le pule a le oti faalua ia te i latou, ae avea i latou ma faitaulaga a le Atua ma Keriso, latou te fai ma tupu foi faatasi ma ia i tausaga e afe." (f.6)

O Kerisiano moni uma e tatau ona sauniuni e a'oa'o ma faataitai i tulafono a le Atua ma ona ala, ina ia mafai ai ona latou a'oa'o atu lenei mea i isi tagata ua lata mai le malo o Keriso i lenei lalolagi. Na apoapoi atu le Aposetolo o Paulo i kerisiano moni: "Tou te le iloa ea e faamasinoina le lalolagi e le au paia? afai foi e faamasinoina le lalolagi e outou, e le tusa ea outou ona fai o faamasinoga i mea aupito iti? Tou te le iloa ea tatou te faamasino i agelu? e le *faamasino* ea i mea a le olaga nei i se a?" (1 Korinito 6:2-3)

E na o tagata "Kerisiano moni"ea, po'o na o i latou o Isaraelu moni e tatau ona latou faamanatuina le Tausamiga o Fale Apitaga ? I le Sakaria 14:1-4 o lo'o faapea mai ai: "Faauta, o le a oo mai le aso o leova, e tufaina ai i totonu ia te oe o lou oa o le a vetea. Auā ou te faapotopotoina nuu uma e tau ma Ierusalem; e aea le aai, e vetea foi fale, ma fetosoaina fafine, e ta'ita'i faatagataotauaina le tasi vaega o le aai; a o e totoe o le nuu, e le faate'aeseina i latou i le aai. Ona afio atu lea o leova e tau ma ia nuu, pei o le aso na tau ai o ia i le aso o le taua. E tu ona aao i lea aso i luga o le mauga o Olive.". Faitau lea o le fuaiupu e 9: "E fai foi leova ma Tupu i le lalolagi uma lava, o lea aso ua na o leova ai lava, ma Lona suafa e au tasi lava lea. Ona toe faitau ai lea o le fuaiupu e 16 - 19: "O e uma lava o lo o totoe i nuu uma o e o mai e tau ma Ierusalem, latou te o ae lava i lea tausaga ma lea tausaga e ifo i le Tupu, o leova o 'au; e fai ai foi le tausamiga o fale apitaga. A o le e le alu ae ai itu aiga o le lalolagi i Ierusalem e ifo i le Tupu, o leova o 'au, ona leai lea o se uaga ia te i latou. A e afai e le alu ae le itu aiga o Aikupito, ma latou le o mai, e leai foi se *uaga* ia te i latou; ona i ai lea o le mala e taia a'i e leova o nuu o e le o ae e fai le tausamiga o fale apitaga. O le sala lenei a Aikupito, ma le sala a nuu uma, o e le o ae e fai le tausamiga o fale apitaga.

O fuaiupu i luga e tatau ona matua manino lelei ai o malo uma o le a a'oa'o e tasi le Tausamiga o Fale Apitaga i nai tausaga i le taita'iga a Iesu

Vaega 6: Tausamiga o Apitaga

Keriso. E oo lava i tagata Aikupito sa inoino e vaai i so'o se tagata lutaia anamua, o le a a'oa'oina ia tausia le Tausamiga o Fale Apitaga - ma mea uma na poloi mai ai le Atua i ana Tausamiga.

Laasaga 7:

O LE TOE ASO O LE ASO MULIMULI

Ena o le pau ea lenei o le aso faaola? O le toatele o faife'au, patele ma kerisiano "masani" o le a tali i le "loe".

Ae o nei tagata uma lava e le o mafaia ona latou iloaina pe talitonu i le loloto ma le lautele o taufaasese ma mea leaga e tele o lo'o faia e Satani le Tiapolo o lo o fai ia tei latou. E pei ona tatou iloa, o lo o manino le tala a le Tusi Paia o Satani "o lo'o ia faaseseina le lalolagi atoa". (Faaaliga 12:9) O Satani o le "atua" o le lalolagi nei. (2 Korinito 4:3-4). O le toatele o tagata e masani ona mulimuli i ala o Satani - ae e le o le Atua.

O le Aso Tele mulimuli o lo o atagia mai ai le mea moni ofoofogia, e le o taumafai le Atua e laveai le lalolagi i le taimi lenei! Afai o le Atua silisili na faia le atulaulau sa taumafai lava e lavea'i tagata, o le a la manuia. O piliona o tagata Asia, Aferika ma isi nofoaga o le a avea ma kerisiano i se taimi pu'upu'u. Ae o le mea moni o le toatele o tagata o le taimi atoa o o latou soifua e lei lesitalaina - pe faailoaina ma o lo o tumau pea e oo mai lava i le taimi nei.

O le a le tali moni i lenei faafitauli? Muamua lava, na ta'ua manino e le Alo o le Atua:

"E moni, e moni, ou te fai atu ia te outou, o le le ui atu i le faitotoa i totonu o le lotoā mamoe, a e alu ae ia i se tasi mea, o le gaoi lea ma le fao mea. Ona toe fetalai atu lea o Iesu ia te i latou, E moni, e moni, ou te fai atu ia te outou, o a'u ne'i o le faitotoa o mamoe." (Ioane 10:1,7). Sa ia musuia foi le Aposetolo o Peteru e folafola atu o ia lava: "O le maa lenei na faaleaogaina e outou tufuga fai fale, ua avea ia ma tulimanu aupitoaluga. E leai foi se tasi ua i ai le ola; e leai lava se isi igoa i lalo o le lagi ua foaiina mai i tagata e mafaia ona faaolaina ai o i tatou." (Galuega 4:11-12). E pule foi oe

pe e te taliaina le Keriso moni o lo o taua mai i le Tusi Paia - pe leai. Pe afai lava o le a moni lou taliaina O Iesu Keriso e fai ma ou Fa'aola ma ou Ali'i, ma e tuuina atu ia te la lou ola atoa e pule ai o la. Pei ona poloai mai Keriso, e ao ona tausia Tulafono e Sefulu o le ala lea i le ola. (Mataio 19:17). O le a e faatagaina Keriso, e ola lona olaga usiusitai i totonu ia te oe e ala i lona Agaga Paia (Kalatia 2:20). Ma afai e te le faia, e le o oe o se Kerisiano o lo o tauaso pea oe. E faigaofie lava.

O le toatele o tagata ua faatauasoina i le malamalama i le Atua moni ma le Keriso Moni. O lea foi o le Atua ua ia fetalai mai e ala i le musumusuga, "Aua e le faailogaina e le Atua ni tagata." (Roma 2:11 LF). Na taua foi e le Aposetolo o Peteru, ina ua amata ona valaauina e le Atua nai tagata o Nuuese ua salamo: "E moni, ua ou iloa e le faailoga tagata le Atua." (Galuega 10:34 LF)

O fete'ena'i ea le Atua ma la? E leai! E le'i faapea mai lava le Atua o le a la taumafai e laveai tagata uma "nei". Na fetalai le Atua: "E le faatuai mai lava le Alii i le mea na la folafolaina mai, faapei o le manatu o isi tagata i le faatuai; a e peitai ua onosai mai lava o ia ia i tatou, ona ua la le finagalo ia fano se tasi, a ia oo tagata uma lava i le salamo." (2 Peteru 3:9). O le finagalo o le Atua ia mafai ona salamō tagata uma - ae peitai e le o mafai ona latou faia i le taimi nei. O le mafuaga lea na tusi ai e le Aposetolo o Paulo e uiga i le "O le Atua lo tatou Faaola, o lona finagalo ina ia faaolaina tagata uma lava, ma ia oo ina iloa lelei le upu moni." (1 Timoteo 2:3-4).

Ua na o se mataupu o lo o fuafuaina mo sina taimi.

Aua i le taimi a le Atua - e pei ona tatou vaavaai iai - o tagata soifua uma o le a soifua pea o le a aveatu i ai le malamalama moni i fuafuaga a le Atua lo tatou Matai. O le faamoemoe ia mafai ona pupula atoatoa o latou mata i le Upu Moni ma talia le Atua. E le o se "avanoa lona lua" e pei ona manaomia e nisi e tetee ai. O le a avea ma avanoa muamua mo nei tagata ina ia malamalama ai i le Atua moni ma le Iesu Keriso moni ma a laua fuafuaga autu.

O lo o talanoa mai pea le Tusi Paia i le taimi o le "faamasinoga" mo tagata uma. Ma e pei ona faaaogaina o le upu "faamasinoga" e le masani ai, ae o lona uiga o le faasalaga, ae e le o lea, ona o le taimi lea o filifiliga - o le taimi o le faamasinoga ma lona faataitaiga o lo o tusia (cf. 1 Peteru 4:17). Manatua le fetalaiga a Iesu i aai na latou teena o la i ona vaitaimi ma ana a'oa'oga: "Oi talofa ia te oe Koasini! oi talofa ia te oe Petesaita! auā ana faia i Turo ma Saitonu o vavega na faia ia te outou, po ua leva ona latou salamo

i le ie talatala ma le lefulefu. O lea ou te fai atu ai ia te outou, O le a feololo Turo ma Saitonu i le aso faamasino ia te outou.”(Mataio 11:21-22).

O aai faapaupau e le'i fa'alogo lava ia Keriso o le a maua se avanoa “sili atu lona matagofie” i le aso o le faamasinoga. Maitau pe fa'apefea ona aofia ai le nuu o Sotoma i lenei vaega. “O lea foi ou te fai atu ia te outou, E feoloolo le nuu o Sotoma nai lo le aso e faamasinoina ai oe.” (f.24)

Afai e faamasino tutusa e le Atua nei tagata pei o isi o loo tau manino mai i le Tusi Paia o le a la - o tagata faapaupau o aso anamua o le a le maua le ola e faavavau, aua na latou le taliaina Keriso e fai ma o latou Faaola pe usitai i ala o le Atua. Pau lava le tali mo i latou - i le taimi o le faamasinoga - o le a maua ai le avanoa e malamalama moni ai i le finagalo sili o le Atua e talia ai Iesu Keriso e avea ma o latou Alii ma Faaola - i lenei taimi - o le “faamasinoga” pe faapefea ona latou tali atu i lenei avanoa muamua ua tuuina atu mo le faaolataga.

Po o ta'ua mai e le Tusi Paia pe o le a oo mai le taimi? Ioe, e mautinoa! I le Fa'aaliga 20, ina ua ma'ea ona faamatalaina le mileniuma ma le taimi “puupuu” e faasaolotoina ai Satani (f.3), o lo o faamatalaina pea e le Atua le taimi o le “faamasinoga” mo tagata na feoti ae le'i amataina le Meleniuma ae lei liua lava. Ina ua mae'a ona faamatalaina le nofoalii sinasina, na tusia e le Aposetolo o Ioane e ala i le musumusuga. “Na a'u iloa foi o e na oti, o tagatānuu atoa ma alii, o tutū i luma o le Atua, ona fofola lea o tusi; ua fofola foi ma le tasi tusi, o le tusi lea o le ola; ona faamasinoina ai lea o e na oti i mea ua tusia i tusi, e tusa ma a latou amio. Ua avae foi e le sami e na oti sa i ai, ua avae foi e le oti ma seoli e na oti sa i ai; e taitasi foi o i latou ma faamasinoina e tusa ma a latou amio.” (f.12-13)

Pe a vaaia nei tagata ua feoti ua toe “tūtū” mai, e aofia ai i le toe tu. I le fuaiupu e 12 o lo o fai mai ona fofola lea o le “tusi”. O le upu Eleni biblia, o lo o faaliliuina i le Tusi Paia, o lo o faaaogaina ina nei e tagata - o le taimi muamua - na taliaina ma malamalama lelei o latou mafaufau ma loto i le Tusi Paia. Latou te mauaina foi le avanoa i le faaolataga ua tusia foi o latou igoa i le Tusi o le Ola. I le taimi o lenei faamasinoga a le Nofoalii Sili e patino tonu lava mo e ua “valaauina”. Ona toe tulieseina lea o Satani ona pupula ai lea o latou mafaufau ma malamalama i mea moni. I lenei taimi o faamasinoga, e oo lava i tagata nonofo i Sotoma ma le fia selau o isi nuu faapaupau sa faaseseina i taimi ua tuanai atu, atonu o le a latou toe mauaina ai ni avanoa e sili atu lona lelei ma fa'aauo nai lo o isi na nonofo i le taimi o Keriso, e pei o nei tagata faapaupau anamua latou te lei malamalama muamua i se mea

e tasi e uiga i le Atua moni ma ona ala. E le o afaina foi i latou i lo latou “faatauasoina”!

O le mafaitaulia o miliona o nei alii ma fafine mai anamua o le a latou maelega i le uu mauina o le Upu Moni pe a latou malamalama atoatoa. O le a mafai ona avea i latou ma auauna sili ona lelei, a le Atua sili atu nai lo le toatele o i tatou, o nisi o taimi e le faatauaina ai le Upu Moni a le Atua i le ma’elega e tatau ona iai.

O lo o manino lava, o le a toe faatūtū mai e le Atua le tau fai miliona o tagata na feoti ao lei afio mai Keriso ma aumaia le malamalama atoatoa i le faaolataga. Faatasi ai le piliona o e na ola ma feoti talu mai Iesu Keriso, po’o o lo o soifua pea ae o lo o tauaso i le atamai o le Atua moni ma lona finagalo - o nei mea uma o le a aumai ai le malamalama moni i le ma le salamō. E foaiina atu ia tei latou le Agaga Paia o le Atua - lona natura ma lana amio Atua pe a mavae le salamō moni ma le papatisoga - e pei foi ona iai ia i tatou i aso nei. O le a latou maua foi se avanoa mo nai “tausaga e ola ae ai i le alofa tunoa ma le poto o lo tatou Alii ma le Fa’aola o Iesu Keriso”. (2 Peteru 3:18)

O le a latou maua le avanoa mo le faaolataga - i le ola e faavavau i le Malo ma le Aiga o le Atua. Pau le mea ona o le taimi o lo latou “valaauina” e mulimuli mai, nai lo le toatele o tatou - ae mautinoa lava e oo mai !

O le mea mulimuli ane, o tagata taitoatasi uma lava o le a latou maua avanoa moni mo le faaolataga ! Ma o lea o le lona fitu o Aso Paia o le Atua, o le “aso valu” e sosoo mai ai pe a uma le Tausamiga o Fale Apitaga - ae o le isi lea Tausamiga. (Levitiko 23:36) - o le ata vaaia lena, o le a tatou vaaia ai le matagofie o le oo mai o le meleniuma pe a fai o le a maua uma e tagata le avanoa e malamalama ai i le Upu Moni.

E manino lava o le taimi lea na fetalai ai Iesu i le loane 7:1 le aso mulimuli, le aso tele o le tausamiga, na tu ai Iesu ma alaga atu ua faapea atu, “Afai e fia inu se tasi, ina sau ia te au e inu ai. O se faatuatua ia te au, e faapei ona fai mai o le Tusi. E tafe mai o vaitafe mai totonu ia te ia, o le vai o le ola lava.” (f. 37-38). I le aso tele o le faamasinoga a le Nofoalii Sinasina, “soo se tasi” - tagata uma e soifua mai o le a pupula o latou mata ma latou maua le avanoa e talanoa atu ai i le Atua ma ia mauaina lona Agaga Paia.

I le fitu aso o Tausamiga na poloai ai le Atua, o le ata manino o Fuafuaga a le Atua ua mae’a. I lo tatou iloa ai o galuega mamana ma le ofoofogia o le poto ma le alofa mutimutivale a le Atua i ana Fuafuaga uma, tatou te faapea faatasi ai ma le Aposetolo o Paulo i le Roma 11:32-33, “Auā

O Aso Paia : O Fuafuaga Matautia a Le Atua

ua punitia e le Atua tagata uma lava i le le faalogo, ina ia alofaina e ia tagata uma lava. Aue! le loloto o le tamaoaiga o le poto atoa ma le silafaga a le Atua. E le masuesueina ana faamasinoga; e le mafai foi ona iloa ona ala.”

Otootoga:

MULIMULI I FUAFUAGA A LE ATUA!

Oa'u o le Atua soifua o lo o faamalamalamaina lou mafaufau i le Upu Moni, o lau matafaioi o lou saili i ai. (Iakopo 1:22, 4:17). O le fesoasoani mo oe pe afai ete fia iloina le Upu moni, faamolemole o lo o failoa atu e le Living Church of God - ma lagolagoina lenei tusi ma le Tomorrow's World mekasini ma televise - ua faauuina faifeau ma aulotu i le lotoi fale po'o kulupu o vaega o le aulotu i le lalolagi atoa. O lo o mafuta faatasi mo tapuaiga i Sapati taitasi ma Aso Paia faaletausaga a le Atua.

Afai e te fiafia e tausia nei aso faatasi ma i matou, faamolemole tusi pe telefoni se ofisa o le Living Church of God e latalata ane ia te oe. O a matou ofisa Autu ma latou numera o telefoni o loo tusiaina i le laupepa mulimuli o lenei tusi. O le mea moni matou te faatali seiloga e te valaau mai. Afai e te manaomia se tasi o matou sui o le a talanoaina se taimi e fetauilelei mo oe. Matou te le faamalosia lou auai ai i se polokalame. O le a fautuaina ma tuuina atu le avanoa e a matou faifeau po'o sui o le lotoifale ina ia toaga pea e faitau ma suesue i matou tusi ma mautinoa o lo o manao moni e te ola i afioga uma a le Atua.

Pe afai e amata ona e auai i sauniga ma tagata o le Atua ma tausia moni ona Sapati i vaiaso ta'itasi ma ona Aso paia faaletausaga, o le a iai ou faalogona ofo ma le maofa ma le faageetia o le a e faalogoina.

O lou auai atu i sauniga ma faalogo i le Upu Moni a le Atua, ma e sailiili i vaiaso taitasi, ma maua foi le avanoa e mafuta faatasi ma talatalanoa fiafia ma isi fanau a le Atua, o le a siitia ai lou ola faatuatua ma le fiafia moni- I nei mea uma o le a avea ai oe ma "paionia" faaleagaga. O le a e faailoa atu foi i le Atua Foafoa lou naunau ia avea oe ma tagata faatuatua moni ia te ia ma usitai i lana Upu musuia, e tusa lava po o a mea e faalavelave mai e le mafai ona toe solomuli ai.


O Aso Paia : O Fuafuaga Matautia a Le Atua

I au oe lava ia sauniuniga mo le uluai toetu, le “Toetu Sili” (Eperu 11:35). Pe afai lava ua mausali ma mautinoa lou fa’amoemoega i le ola e faavavau, o le a e faalogo foi i nei upu faamalosiāu mai ia Iesu Keriso: “Ona fai atu ai lea o lona alii ia te ia, Ua lelei ia, le auauna lelei e, ma le faamaoni i nai mea itiiti, Ou te tofia oe e pule i mea e tele: ina ulufale mai ia i le fiafia o lou Alii” (Mataio 25:21).


Talitonu o le a tatou toe felogomai i se taimi lata mai!

O lo'o ofaina e le Living Church of God le anoanoa'i o tusi lomia fua e aofia ai ma le suesueina o le Tusi Paia, tusi ma le mekasini a le Tomorrow's World po o le Lalolagi a taeao.


O tusi nei e ono fesoasoani ia te oe e faamalamalama atili ai Fuafuaga a le Atua mo oe ma le lalolagi. O nei tusi uma e ave fua pe a e fia faatalosagaina, faamolemole tagai i le isi itulau mo le tuatasi o loo latalata atu ia te oe, pe oka foi i le initaneti i le www.TomorrowsWorld.org.



Lotu Moni A le Atua Seia oo I Le Taunuuga
(e na'o le gagana Peretania e avanoa ai)



O le a le Aso Sapati Faa-Kerisiano?
(e na'o le gagana Peretania e avanoa ai)



O Lou Taunuuga Sili
(e na'o le gagana Peretania e avanoa ai)

Ofisa Autū

Niu Sila

PO Box 2767
Shortland Street
Auckland 1140
Phone: (09) 268 8985

Unite Setete

PO Box 3810
Charlotte, NC 28227-8010
Phone: (704) 844-1970

Ausetalia

PO Box 300
Clarendon, SA 5157, Australia
Phone: 08-8383-6266

Filipino

PO Box 492
Araneta Center Post Office 1135
Quezon City, Metron Manila
Phone: 63 2 573-75-94

Aferika i Saute

Private Bag X3016
Harrismith, FS, 9880
Phone: (27) 58-622-1424

Peretania

Box 111
88-90 Hatton Garden
London EC1N 8PG
Phone/Fax: 44(0) 844-800-9322

Kanata

PO Box 409
Mississauga, ON L5m 0P6
Phone: (905) 814-1094